

瑞金縣志卷十五

武進張國英重修



藝文志

詩

忠烈祠歌

秦錫淳
臨海人

有宋以來萃人傑諫議父子傳忠烈父持霜簡抱孤貞子封蠟書顯大節嘗讀史至南北朝巨奸媒禍如毒蝎黨碑樹後復金牌盡把英賢刈一切公時諤諤宣和殿聲如洪鐘肝似鐵上書未發諫未行不已遷下壽春轍是子蔭補北靖州完顏陷入刀兵列昂然被執志自伸走從二帝効竭蹶五國城

瑞金縣志

卷十五

一

邊猶寄書指畫敵情詳曲折况有恢復岳家軍何難醜虜一朝滅奈以權奸反示敵慘同武穆遭永訣卓哉大義壯千秋一片丹心一點血至今雷斧已碎碑鑄人跪向西泠碣庶識正氣終不磨還見天心昭若揭虔陽舊指諫議里蕭廩有詩曾採掇前令起自呂望松鼎建崇祠光闕閱豎坊大道人共瞻綱常萬古知莫越我來展拜德馨堂時正嚴冬寒凜冽焚香初上氣濛濛青天失色飛白雪風馬霓裳恍欲來義膽忠腸如與說嗣孫相見美振振勉旃奮發光先哲

楊節婦歌

蔣士銓
鉛山人

太歲在庚午乾隆十五年我見楊先生豫章講席邊南昌縣

志絕舊本制府馳檄飭縣官我時偕先生共把書局筆先生
白髯霜緣坡往往酒酣聞太息云有婦新寡既烈且孝年二
十奈何奈何雙涕在我爲請詳翁乃默閱二十九載我復官
京師叩門云有病客來病中迎客噫吁嘻臺山我友前致詞
袖出節婦傳乞君病裏詩展視一再重嗟咨楊先生痛其若
斯賴節婦聖依子楊家四郎名其琚既取而疴病不起事親
立後托賢妻不許從夫等閒死夫既死不復生婦死數數矣
難捨姑哭聲甦而曰吁夫去幾日歟或曰一旬憐爾姑哭兒
哭媳盲且癯婦瞿然起拜女賓敢不苟活未亡人立孤元潼
甘食貧鬻醫器具膳羞兩親洗面以淚三十春元潼跛十餘齡
以痘殤婦笑笑老姑疾革別諸婦脫珥獨酬婦苦辛迂哉楊
先生尚以假怒試婦心婦心百鍊瑞金金節婦五十未得旌
文人傳志奚重輕天地限之了此生嗚呼節婦何有名

瑞金縣志

卷十五 詩

半野園題壁

曾廷樞 南城人

山邊殘月水邊樓自卷湘樓上玉鉤昨夜橋南新雨過蓼花
紅放一江秋

五度中秋客未歸露華吹濕芰荷衣欲書庭葉遺相憶雲滿
江城白鴈飛

秋日客綿江與賴穆如夜話

曾廷樞

雲聳危樓眼倦開打窗黃葉夢初迴雨聲夜度清江去霜信

秋隨白雁來探物囊中南阮病論詩馬上北王才酒酣拔劍
爲君舞抑塞何辭斫地哀

我亦飄零泣路歧浪遊心許白鷗知書生有用非文子世局
無端笑弈棋彈鋏馮君羞自薦舍羹頴叔未能遺短檠相對
情何限併入枯荷聽雨時

駟螯終始共逡巡隔歲相看意倍親叢菊故遲三徑各海棠
先透一枝春蘇湖講席研朱久鄴下詩名傅粉新絕領清風
容噓傲問天還有語驚人

槐花吹雨一天秋忽漫相逢又別愁道遠欲迷蝴蝶夢寒生
難典驢驢裘窗橫綠漪聽流水筆卷青山入暮樓搖落十年
瑞金縣志

卷五 詩

三

江海士乾坤何處豁雙眸

送瑞金羅臺山南旋

翁方綱 大興人

至幻則禪律至真則訓詁先生獨兼之借問義安取彼宗掃
文字吾學精聽觀二家正相反譬若敵之樹今君安歸乎歸
乎日將父天倫樂家庭竭力在仰俯大道元象初豈在形聲
譜顧以幻例真訓詁不猶愈君當春暉愛難得光陰補豈合
更有眼參禪問初祖經術培其根蒼雅導之輔莫以漢學專
輒罵宋儒腐往者不可咎來者敢輕侮君非今之人眼有萬
萬古從來觀妙門反作伐性斧誰忍爲此言握手淚如雨

遊東山寺

莊楠 陽湖人

生平慕禪寂涉世本無能幸有長閒日來參最上乘清風飄
野鶴慧業讓山僧試問從遊伴騷壇孰共登

憑林新築室壓架足纒緗直是賞詩閣寧非選佛場禽魚各
見性草木總生香塵世勞勞者誰知此地涼

琴聰擅雄妙島可是詩奴交臂三年矢飄蓬後會迂棊枰多
變幻書帙久荒蕪蓮社來何晚空嗟過隙駒

同是忘機者畱連到暝陰不辭陶令醉更聽穎師琴蓮葉任
翻雨竹房堪臥吟茲遊脫繩檢真覺道緣深

偶憩高嶺得一絕

莊 楠

線大長勝蓆大田人家散住萬山巔牧童三兩騎牛背唱入

瑞金縣志

卷十五 詩

四

斜陽一抹煙

綿江書院畱別

郭廷翁 卽墨人

城闌古柳高嵯峨酒瓶香細春風過春風匝地送行客我固
未飲先顏酡我亦量慳不盡器入門色戰金叵羅無已請君
還自引君其舉酒爲君歌象湖百里別門戶園林幾 瀾東山
阿旣疏嘉木剔奇石更登曲沼排風荷遊人時隔紅 幕 歷展
齒踏遍青陂陀五畝萬間究適爾其如無關人理何茲地較
昔儼新構曲榭長廊遊逶迤獨有妙境秘靈府融融精氣含
春和物生要須占地利滋蘭樹蕙培菁莪前賢創此數人傑
諸君成之亦足多嗟哉敝俗喜怙訟兇渠翫法真么魔人曰

作宰宜峻法拘囚楚撻甯爲苛此論差亦聳人聽予執不信
嗔其訛至親戚屬足天性詎無仁義相漸摩我來一年不及
半接浙未便溫釜鍋毫於斯土無寸展何勞君輩相遮邏諸
君大致意靜重論事多是無偏頗吾持此論信迂闊庶幾不
爲仁人訶傳語君家佳子弟廢業荒思慎蹉跎鼓笛觴咏劇
勝踐雲樹水石通磋磨詩書五穀種之美善根深入人心窩
劃然偕民之大道細流一決成江河世上才華固不盡濤翻
龍戲魚騰梭士居林下容放浪官坐堂上供呼呵讀書不爲
括根本辜負桃李空阿那請君今日盡此酒我爲君歌君其
和君且休矣我將去綿江春水方微波

瑞金縣志

卷五詩

五

遊環可園

惲敬

陽湖人

遙遙渝水奉臺符便報園林滿象湖城外碧流同汗漫橋東
綠竹最森疎三年百度停金勒二月千花擁玉觚休笑習家
池上事今朝真是倩人扶

海棠枝畔絳桃枝一樣春來淡蕩時老大愛吟枯樹賦風流
惜唱拗花詩仙家日月應長駐香國因緣倘再窺慚愧疎才
偶相狎肯教一片落深墀

紫塵青琴白木牀偶然獨起繞遊廊爲謀幽徑穿苔石故放
遙山過荔牆試手欲收千丈外引身須築十弓強吳中不乏
閑鷗鳥好逐春流過野塘

漸漸輕陰送雨來城中畫鼓隔江催新旗試士無嚴武病榻
論文有柳開忘世久安懸磬室畏人如入避風臺知君此後
留吾醉芍藥盆中已破苔

瑞金學署爲危東柯畫竹

吳

照

南城人

東柯手持八尺紙索寫空堂風雨秋我便一竿撐到頂尙嫌
未畫上梢頭

感懷

吳

煊

南城人

水盡山窮復此行荒林啼遍鷓鴣聲舊交握手悲歡集失路
吹簾涕淚橫夢裏榮枯誰作達愁邊歲月絕無情商量故是
歸休好且爲詩人緩去程

瑞金縣志

卷五詩

六

綿江客懷呈張鶴舫并簡謝南岡危東柯

吳煊

燕臺一散客處處皆歧途淮上約相訪奄忽歲月徂南州堅
尋盟天寒戒僕夫兩年一遂願不謂我馬瘠執手相慰勞旣
見心愉愉茲焉永晨夕賞晰道不孤

天風下木葉霜露淒以繁出門事交結關山氣候寒豪宕况
非昔輒軻摧心肝請奏平生技謀博新知歡新知在何許浮
雲互漫漫與君相太息古嗟行路難

示我以新詩飲我以名酒處我以重帷聚我以良友君亮古
高義我亦中懷剖壯歲落風塵羈孤寡時偶憶自識面初萬

里同驅走臭味我既投道德君良厚今日非昔日寸心幸相
守

離離草已衰冉冉歲將暮遠道欲言歸空囊那得去神昏畫
意枯愁結詩思錮自非曠達懷內憂復外顧吾愛沅園翁東
柯尤警悟二子工咏吟吾今望却步離緒渺無端請謝未能
賦他日寄相思綜情寫毫素

霜降校閱示邑士

彭淑
長陽人

綿貢交流處正繞縣郭門及茲霜降日小隊出平原書生作
縣令武事非宜言茲邦實巖邑其來蓋有源信國馳驅地文
成駐戎軒崎嶇閩粵交紆餘山谷繁亂世荏苒澤叢山虎豹
蹲耨鋤不足衛爪牙血人吞且如我

瑞金縣志

卷十五 詩

七

國初羣盜蛇豕奔吳逆及耿盜釜底假遊魂遂令羣不逞跳
跟相憐援是時象湖民投擲如窮猿排門集鄉勇稍足衛籬
樊桓桓錢大夫忠信教黎元一朝銅鉢山唾手縛兇髯遂埽
諸巢穴智勇皆可論我來干步場尚想萬人屯兵氣久銷沈
皞皞荷

皇恩猶畱遺意在非徒古風存涼秋天氣清饒吹城郭喧衰
柳班馬嘶旌旗鷺鳥翻本無介胄色因想闔外尊壯丁好身
手結束稱囊鞬不待鞭七人教訓誠易遵作詩示緣起聊足
得本根百年談父老故事語兒孫叱犢二月中陌上春風溫

來看太平吏更入杏花村

九日同學博張鶴舫

瓊英

諸君尋南塔寺遂遊賴氏綠

漪園楊氏環可園晚還縣齋雅集

彭淑

涼飈零露感蕭晨與客登臨發興新
叢菊天涯疎把酒好山日暮更留人
鐘聲隱度孤城曲塔影晴搖野水濱
南浦南來一千里白雲親舍獨傷神

高雲睥睨湧孤城放眼憑臨百感生
水落魚龍無變化山多豺虎易縱橫
刁騷鬢影如疎柳搖落秋光似宦情
不信賞心驚節物年來遲暮亦心驚

雙清橋外碧參差環可居然勝綠漪
袍笏安能逢丈拜園亭

瑞金縣志

卷五詩

八

幸自與君宜草堂吏隱花饒笑叢桂
山幽賦莫辭試埽泥牆畱醉墨此中合著老夫詩

從來名士例浮沉博士先生太苦心
正有茶瓜畱客地試來松桂讀書林
風飄木末蟲聲急月入秋堂樹影深
不用摩挲鐵如意請君細把菊花斟

陸公泉

張西銘

光山人

只隔一溪水來尋廢寺前聽聞寒碧處
傳自大觀年乳竇眠雲細苔衣釀露圓
品題逢陸羽不讓第三泉

樹影陰蜷曲山根脈蚓穿臣心惟鑒此
秋水映來鮮風月橋邊市牛羊草上煙
畱茲一片石清節憶前賢

己未夏五試士用鶴舫韻

張西銘

衙鼓徵大昕點綴長名榜顧茲七品官悚懼操衡賞紅燭盡
三條垂簾爲注想江河勢沛然入扣如絲繩可憐一日功繪
出三年養有司盈尺階進作王庭享擲地願成聲聲成金石
響惟愁味不腴有味甯難餉文字祖五家窮神得蕭爽社有
鄉先生百世皆當仰憶余握槩時亦冠童子長我旣遇孫陽
孫陽勉自做連翩網珊瑚魚貫真浩穰持此冰與淵今卽是
余曩但愁吏不明無愁心不廣待得芹花香與君共宏獎

九日同人登青雲閣

張西銘

樹靜風清暑未收綠蟬猶咽水邊秋地隣白石時原暖節到

瑞金縣志

卷五詩

九

重陽歲欲週不見菊花空訪圃爲歌閣賦一登樓簿書且喜
無塵俗好把清閒半日偷

閣外青山閣下川一齊入眼聚尊前不須送酒龐居士儘有
能詩孟萬年楓荻洲連安澤鴈稻梁人盡穫秋田此時欲問
江東翰糕字題成韻必妍

謝酣古秀才以其族祖怡古先生連峯樓集見貽長歌

三十二韻酬之

張西銘

客從山中來手持一卷詩入門步徐徐就坐陳言詞云是怡
古集伊爲從孫支板蝕紙漸落伏願公校之展卷未終讀聞
言增歔歎人生不滿百所貴名能垂垂名在後世顯晦皆有

時子孫不守業先緒因之墮重子珍襲意一一從頭披送客
出門去呼童燕金彝開我東軒窗卷我西軒帷徘徊復燕坐
涵泳聲高低建安以質勝美秀推陳思仲宣自端雅公幹挺
健姿都成一代傑斯欲相與齊更聞斯所交大參閩汀黎芝
蘭聯兩地臭味無差池復有方外友采公常相師會心究內
典源合流不歧又值亂離日土寇起山陲豺狼叩戶闔蛇蝎
盤房幃深巖走荆棘野穴逢狐狸踉蹌幾顛蹶生死爭須斯
斯須尙未死此卷終無離風雅定有主性情原不移我昔宰
彭澤清風仰陶籬今來瑞金縣展謁先賢祠汲而可祭社其
惟先生宜掩卷步修廡曠望青空迷白日下庭樹秋露涼侵
瑞金縣志

卷五 詩

十

衣徒倚復三嘆歌詩爲客貽勉哉崇世德連峯樓無遺

試士歌

張西銘

聖代籲英俊闢門開中達詩書進賢詰禮樂張綱維登崇宏
治化士類爲揚眉普之科與歲郡縣皆同之緬彼唐虞世考
績咸雍熙成周稱大比漢屬三曹司自魏分九品六朝稍陵
遲隋舉進士科科名立始基開元行覆試宋列五場規有明
定三考盛莫如今茲今茲余始至欲使民風移謹凜素餐戒
曷敢云委蛇書吏抱官牒曲脰前致辭士爲四民首考校斯
其時迺開迎賓室東閣延長曦印牀香篆永花砌薰風吹冠
者魚貫入童子皆佩觿進茲八百人列坐成纍纍一日有長

短素行當無虧文事覘實學學貴與古期左簡而史潔莊列
超藩籬董醇而賈茂匡劉真經師兩班步司馬子雲能不羈
忠孝出師表灑落淵明詞宋齊人纖巧梁陳譏靡卑昌黎起
貞觀八代功振衰柳州亦濟美玉佩鳴瑰琦燕許大手筆一
時有四夔六一居士出紅勒抹嶮巖曾王峻與隋眉山尤拄
搯道學歸四子義理無途歧厥後代相繼是皆當攀追體既
有絕續法復多彰施深而不可詭清而不可漓信而不可誕
直而不可支約麗忌淫放朗暢必細麗蹈空毋太泛微典須
切肌氣則取其厲變則守其涯理微出必顯貌合神不尸春
風楊柳岸初日芙蓉池會心不在遠此境宜同窺上下三千

瑞金縣志

卷十五

十一

載文派尤生姿同流偏異委譬如山兩支西漢起絕頂蜿蜒
至陳思奔趨到韓柳中側雙峯倚歐公束一峽蘇公伏眾雌
震川執牛耳峙立江南湄東漢兀高巘郭東承邈迤曲折到
盧駱締繪春山芝南豐盤一嶺半山逞其奇荆川接遠岫小
住能維持流派雖各異其源無參差序說本於易風韻本於
詩書爲臺閣體禮爲斷制賞六經皆鼻祖學者當早釐清真
雅正訓天語煌煌垂如何可暴棄羊質飾虎皮况此象湖地
先達孫謀貽三楊開模範五家名盛馳謝氏聯珠玉香火所
當祠譬彼宗廟器珍重陳尊彝譬彼清潔品冰雪明玻璃夫
道若大路歸求卽在斯似此不知務舍是其奚爲余學亦云

薄讀書時解頤憶昔仲筆墨獲遇孫陽知成均充選士虎榜
登彤墀一官拜學博苜蓿真堪飽春鐙與秋月未嘗忘吾伊
金門不得第出仕戒繭絲先上太行道旋宰官湖陂既蹶又
復起來此不市莽敢不飲冰漿遺汝民士嗤且更操鉛槧安
可惜勞疲黃卷四十束卷卷爲親披豈無純粹質不少沙石
疵或效彥伯體或染紅臙脂或如鐵未冶或如米未篩拔十
冀得五六覆勤招麾官簾爇紅燭兢業分妍媸好賢何敢矯
此心良不欺以我所行路爲汝言平敬寸步有得失勿使年
空糜不學殖將落胡弗尋工倅西齋文忠裔東齋張孝尼兩
賢適相遇執業誠爲宜後進不容倦朝夕親臯比田荒久不
瑞金縣志

卷五詩

十二

治得此逢良菑病痼久不起得此逢良醫鐘鼓啟聾瞶佩習
何猶疑汝業勤無怠余言公不私更有贈言者眾耳爲之提
文字乃其次品行尤先資國人所矜式視汝如當楣毋以刀
作筆毋以笑作訾除惡必務盡樹德必務滋所以國子教荒
嬉而毀隨方今文明世有藝皆罔遺雲路舉頭見願成王國
儀長歌一千字聊作先鞭筆

去瑞金日邑士祖餞環可園詩以謝之兼示諸父老卽

用畱別

張西銘

等濫江城歲已暮此懷可質士民知不搖聲利心求定但養
廉隅志自持來往却羸風兩袖頽唐惟有鬢添絲本無遺愛

寬齊市那敢當人說去思

黃葉村中紅樹園東門門外設離筵好看額彩千門鬪難得
心香一瓣傳坐久亭軒真絕俗更看松竹獨能堅須將此意
頻相記不減當年劉寵錢

銅鉢山高綿水清此間小住半知名詩書猶習鄉先輩規矩
仍遵舊法程鷄犬村莊風俗樸倉箱廩市稻梁盈卽今便有
相思念特爲諸君盡一觥

勞勞慙愧爲公私更向吾民贈一辭律已須懷三尺法種田
莫廢九秋時能關脂秣堪惆悵轉戀閭閻感別離去後無多
珍重意共期豐樂答 雍熙

瑞金縣志

卷五 詩

十三

半山園秋菊盛開效昌黎體爲言三十九韻奉酬芸室

居士

張西銘

秋風下庭葉露氣侵晨涼日華照東閣君子開中堂堂中寫
素簡邀我平泉莊莊闢五畝地半種黃花香黃花傲霜雪植
榦殊羣芳及時以行樂不復爲徬徨出城未半里水碧山青
蒼到門肅冠蓋位置非尋常木樨散金粟芙蓉披錦粧天光
入鏡影泉瀟盈方塘崇甍敞中室粉素迴雙廊東建養正齋
作聖功宜強曲逕上石磴合面橫榱宗疊石作小檻開軒迎
平岡迤邐復西步檐牙參差翔愛日慕古學芸室藏縹緗南
穿北窗下一榻成羲皇倚徙欲觀止還言徑未荒兩畦墾籬

落一池泓中央亭空種疎竹四面遙相望立腳總宜高此境
中心藏主人前致詞花下當傾觴舉樽對花醺清豔增容光
白如一龕雪紅如七寶裏煙抹鴛鴦紫雨沐金翹黃可知凝
晚節闇然才日章佳會不易得賓客更相將風雅孰宗主廣
文永豐張學博鶴吏績兼韻事僚友稱二王湖波督江南夢
花客插帽歌琅琅桐城江起季倫嬰金谷元和石涵太邱醒
猶狂上元陳蔭安仁獻笙賦睿存兒輩亦趨蹌時兒子瀚主
人倍殷勤供帳列鴈行園主人因之為起舞念此主人良囊
中散千金千金修宮牆主人捐修調郵睦鄉里有子官為
郎令嗣候一鄉得長者深喜吾民康日夕影叢薄燈火光輝
瑞金縣志 卷五 詩 十四

煌卜晝不卜夜歌詩長無忘

和彭秋潭先生霜降校閱詩韻

張瓊英永豐人

黃粒紅穠稷農翁歸郭門花雕阜羅蓋使君出平原殷勤勞
農翁故事試具言使君自有職故事自有源是邦在前代羣
盜蝟毛繁山藪連閩嶠荆榛絕行軒

國初埽田賊何沈尚狂躡殺人以為耕膏壤不足吞則有徐
大夫殲蠶衷其奔良懦得鳩集瘡痍定驚魂官兵蕩閣匪渠
豎孤牽援餘焰銅鉢山跳狐嘯逃爰復有錢大夫智勇剗其
樊最後得霍侯堅陴完元元脫非三宰勞輿曳剗且髡欣逢
太平久父老或難論溝塍達四遠廢壘無畱屯舍哺忘

帝力吏民皆

國恩回首艱難際各念經理存飽聽山野謳自絕邊境喧再
拜謝使君壺觴手倒翻不辭詔子弟長此康親尊是時霜降
秋壯丁各雙鞬專閩令既肅使君教必遵神珠颯迴飈兔隼
僵草根忠信自甲冑韜鈴豈吳孫作詩示邑士德言厲而溫
感激到吾輩春風花萬村

過秋水園二首

張瓊英

客來秋水園園閒水清淺疎影看梅花還似葦葭遠
蒙叟樂濠上山公愛習池非魚亦非我醅酌爾忘知

大富竹道中

張瓊英

瑞金縣志

卷五詩

十五

如綺斜陽入畫看萬松層壁爛黃丹山深不雨衣痕澗夜靜
無風峽響寒蹲虎人前將石誤露燈林際接星攢野夫癖慣
搜奇趣未憚崎嶇徑百盤

綿江書院校士

張瓊英

讀書如溯流擊汰必齊榜斷航艤洪濤焉共拍浮賞所以麗
澤朋義比印須想論文如縑繭分緒乃合緹治之苟益勞負
此蠶腹養所以經綸贊用切布帛享校士如叶樂夔掌鳳韶
響復求嚶鳴聽俱侑蒿苹餉所以大雅諧氣穆清風爽三者
孰兼美卓哉吾所仰堂堂恕堂公溫溫儒吏長風流今在茲
事業古相倣想見冰鏡開搜羅百寶穰象湖浩是春蘇湖獨

愧曩惟誦我公詩屢拓狹襟廣他年賡八伯歌鐘不獨獎

綿江書院卽席口占

張瓊英

穹林靄長夏高館來清風瓜蔓水初綠馬纓花復紅良辰邁
別期尊酒陳千鍾佳肴膾魴鯉妙響鳴絲桐自慙十載餘司
職無寸功後堂有彭宣前絳非馬融或堪拙誠諒未必文學
工何意用情厚依依兼旬中四座羅耆英轟談豁塵胸羈蹤
已云久仍惜離怱怱執手送我行安能如蜚蠊悠悠帆上下
飄飄蓬西東在遠跡雖睽甯嗟心不同願俱崇德修終爲雲
與龍

重過秋水閣

張瓊英

瑞金縣志

卷十五詩

十六

十載題詩處重來款老朋著書公自壽爲吏我何能水閣青
山好風塵白髮增松期訪仙嶽還乞一枝藤

賴園看菊

張瓊英

久聞賴園菊發興一相訪到門未剝啄寧籬已慘爽中庭眼
忽炫燈攢百餘盞主人貧好事得非三徑蔣亟掃竹牀對菊
列茶鐺享如入旃檀國中滿黃金像齊奴蠟漫然慶奴羅乍
賞又如琪樹城仙人白鶴筆不然水晶宮鮫綃莫論丈就中
絳緋絕紫雲安足獎句漏丹砂鼎崖海珊瑚網誰謂秋冷淡
得此光爛晃圓月正窺簾清風時動幌高下非一香淺深各
殊狀譬如有道士文與質疑兩幽貞性則一陶翁余所仰久

坐竟無言真意本忘象未酒兀如醉欲吟翻費想夜闌請鳴

琴蕭蕭水山響

座中楊書臣能琴

將赴公車畱別綿江諸同人

張瓊英

我官綿水今幾年齋舍五度易破瓊愧無絲毫補風化垂頭
兀兀寬陳編歲有俸支月得粟供菽水外無求焉青冥萬里
羽翼短豈復有意思騰鶩而况茲邦盛耆宿幅巾螭屐幽尋
便半山堂中竹連屋雙清橋外花壓船同僚又得故鄉老

謂荷

談笑爛漫無拘牽中歲心情舊游戀曲江那必逐少年奈

何不許謝疲朽苦向櫪馬加長鞭信叨相知意良厚及才未

盡催搜宜朝來料理一一到贈篋已富辦裝錢春回歲暮梅

瑞金縣志

卷十五詩

十七

香寒雪片如掌飛離筵黑貂之裘一笑新綠螺倒酒青眼邊
把諸君手吾當醉氣壯感激凌風烟亦望諸君各相勸宮牆
累積今及肩增高繼長業樹立來瞻 北闕星雲天

雪竹凍

張瓊英

碧巖水潏潏蒼石苔滑滑小住難久娛前驅已先發茲竦何
岷嶽綫縷盤百折冰漸春漸消風信曉才匝野桃發深山雖
濃亦幽絕仙源恨何許在目且窩悅一形轆百營如何不華
髮大藥諒可討敝屣匪難脫綿綿有情內獨往那忍決悠然
望白雲茲意邈誰說

山行二首

張瓊英

風定谷猶響雨涼春更幽桃花碧天落絕壑紅泉流
拄策不能去松桂翳修修山客笑相問君行何所求

漫成

張瓊英

松陰何處寺鐘聞無數青山半夕曛石上老僧眠已久不知
歸去許多雲

過羅臺山先生宅示其子姪

張瓊英

我思臺山老化去今幾年著書一千卷其言光斗躔每恨不
及見神交長慨然經過草堂舊勸爾後來賢

南塔清澗師以采公詩見寄明日訪之贈詩三首師故

采公初傳弟子向曾挂錫吾吉之青原有梵行知詩

瑞金縣志

卷五 詩

十八

與南岡先往來也

張瓊英

采公何日去松竇至今荒却喜寒山句還傳法鉢香寺門藏
竹古風磬出花涼老衲如雲懶隨緣住上方

每約南岡老來尋舊利場犬眠蘿月靜風語塔鈴涼永夜水
晶域清詩枯木堂杜陵初地想根觸贊公房

卜築青原勝飄淪白社非逢師閒話好何日故山歸藥地荆
應秀春岡筍亦肥遂良鬚漸白彌勒一龕違

侍家嚴同諸君遊環可園

張瓊英

昔聞好事客時造楊子門抄書富東郭素心擬南村關經得
別墅是謂環可園棲鶴長子孫假山肖第昆但劇文字飲而

無騶從煩欣言昇籃輿幽尋到松根天風排闥來烟嵐相吐
吞石翠塔邊落江光檻外翻泠泠竹間泉如聽靜者言綠陰
轉池夕飛雨雜荷喧涼爽在襟袖芬馥浮杯尊翻意廿年來
關山疲輪轅登臨豈不曠客緒如絲繁空復作壯語時壓白
與元那如同鄉集高談滿櫺軒娛我白髮歡一羶感 國恩
茲游實所戀重來約初暎但謝賢主人毋爲費盤飧

勸納秋課歌

爲彭秋潭明府作

張瓊英

銅鉢山高以紆水何泚有象湖賢哉使君來縮符勸稼穡恤
囹圄槁者噓枯者蘇十日不得一日娛何慈劬却餽金皎不
汗日用缶園圍蔬城上有烏晚啄饋使君百口饑欲呼憫不
瑞金縣志

卷十五

詩

十九

九日彭明府招遊城南

張瓊英

茲辰愛重九天氣好新晴爰以攜琴暇相招出郭行官橋渡
秋水野圃刈香秔父老年年健知公駐馬情
南塔何年寺東林偶此來石門行薜荔銅佛臥莓苔流水磬
中遠白雲峯半開跣趺豈吾事援鳥莫相猜

爲訪名園勝何如古辟疆塢嵐盤檜黑簷橘壓霜黃路覺磨
蹤到人繙繭紙藏鉤簾西閣望山翠亦蒼蒼

賴太學綠漪園
藏名蹟頗富

往有談經宅今還載酒過朋知情不極邱壑後如何

園主人楊一川

已墨藻看飛動風篁雜嘯歌千秋羊叔子碑勒峴山阿

園中有前

令郭廷翁書郭儒吏也有詩書畫三絕名

山公不酩酊歸路竟何如魚鳥隨沙岸炊烟傍筍輿到衙喧

晚鼓燒燭校官書借問遊人樂吾能紀守滁

綿江舊文藪博士更誰倫靈氣無銷歇鄉先有率循高風秋

鶚壯冠嶺曙霞新大匠真吾愧關心薦喜頻

舊家灣水上蕭署象湖濱對此黃花釀遙思白髮人貧居香

自澹老圓色逾新歡笑輸諸弟依依醉老親

平生習靜意差與冷官宜止酒能留俸栽花爲補籬却攜好

瑞金縣志

卷五詩

二十

事客來讀使君詩俯仰容天放非風帽已敲

同荷峯丈遊翠環園

張瓊英

十月朝霽天氣清友生招我壬田行誰與同者歐先生青山

遠近相送迎天開雙嶂圖畫屏千林丹碧照雙垌維松桂栝

長青青翠環園中三畝平不髹不聖疏簷楹幽花雜蒔何英

英島以奇石籬以荆軒窗虛曠風日明牙籤插架千圖經生

香素絹墨瀋凝飛電搜壁蛟螭騰摩挲三日勞心精山夜蕭

蕭開簾扃天高星淡河漢橫主人娛客陳優伶琴瑟簫鼓簧

筑箏風泉爲落雲爲停金疊羽爵轟千觥月弦晦望有冲盈

我謝主人休且甯貴用合歡母罄情更闌筵散對孤檠一編

手帙吟呻嚶落葉刁騷下前庭幽蟲咽壁不可聽蘧蘧推枕
殘夢醒人生多故憂樂并年華鼎鼎予心驚及此不助後何
成經源學海浩莫航願君斯邁我斯征

自黃安歸道中作

張瓊英

小雪初晴野色濃幽尋欲盡策歸筇山靈有意相留客更散
寒雲出秀峯

紅粒登場廣畝閑霜原萬樹遍爛斑插天遙認空青色城角

西南第一山

在南塔寺前

平生絕得勞人福一卷肩輿睡更甜夢向仙扉撞玉版忽驚
風葉打牙籤

瑞金縣志

卷十五詩

二十一

掉頭吟罷整敲冠慣熟居人一笑懽半是先生半佳客不須
全作長官看

袁生行

有序

張瓊英

庚申七月甯都蛟水至瑞金之螺石村所在爲害適
袁來軒拔貢將赴鄉試泊舟其地亟傾篋中資得六
十金募善篙者拯活三十餘家余爲作袁生行十一
章章四句後四年余遇來軒京邸以此箋索書因話
舊感憶其事遂書此詩一通還之書雖不工亦欲以
永志善之意云爾

我具我楫我何是來于漢于江涉以懷哉大水阻人于瑞

于野阻人猶可溺人驚我 漉漉其水洶洶其人或沒或浮
或叫或呻 我忍弗拯懼我力寡我有篋金以勇篙者 迺
篙迺縹迺泝迺援迺下上招手扶尻扳 螻螻其眾圍圍其
蘇有顏之鷲有呱之雛 有嘔其口有蓬其首爰衣爰粒爰
藥其疾 謂祇蓋仁胡視爾水謂爾何辜胡倏魚鬼 凡世
餘人言泣言歸篙者勞酒我慰孔悲 其慰伊何活人于死
其悲伊何活人于此 吁嗟毒蚪吁嗟蒸靈安得萬楫亦萬
袁生

黃田道中觀瀑布

張瓊英

暗泉通百道地中鳴笙簧絕頂忽赴壑直注千尺長青壁自

瑞金縣志

卷十五 詩

二十二

瀟灑白電交飛揚陰晴鬼神下綃旂從風颺散爲珠屑濺聚
則銀屏張元化漉噴薄洞穴安能詳我來二月春巖蕙搖烟
香颯然新雨過淨綠湔杉篁盤礴陟危磴興逐螭虬翔脚踏
嶺雲氣自窮空水光如觀廬山瀑倒挂三石梁地僻遊屐罕
前哲無篇章山靈蘊奧瓌有待探厥藏赤鱗不可控仙液何
日嘗煩襟且快滌欲去蹤徊徨蘿月一痕照萬古天蒼涼清
夜何處鐘聲與潭雷碾

南塔寺

廖駒龍 奉新人

夙尚耽習靜每結方外游偶逢素心侶及此南塔游南塔建
何年海桑閱幾秋時和屆天中景風盪颼颼川原浩淼邈時

稼盈芳疇到門瞻法象但覺優曇浮大千入毫髮寶珞聳危
樓步屨向上方禪扃闔以幽老僧澈道機三乘證妙修跏趺
坐終日語嘿得自由莓苔臥銅佛祇園浩劫捺紺殿成荆棘
覽之使人愁後殿火焚今存基址自從義熙來東林成廢邱惠遠日以
渺誰與儕陶劉虎溪蹤落落蓮社跡悠悠擬話三生石願言
蕭寺投晤言緇衣子此外奚何求

遊環可園

廖駒龍

楊子談經載酒過山川吟眺夕陽多朋來茶熟香溫後鳥解
延賓隔葉歌

半畝方塘竹影浮翛然濠濮錦鱗游長吟最喜清涼境一片

瑞金縣志

卷十五 詩

二十三

烟蘿象外收

城市湖天古畫圖塵飛不到小方壺來青亭外佳山水別有
吟情屬與區

先賢結構技稱神多少名流蠟屐頻何氏林園工部賦後來
應有問津人

青雲閣眺望

廖駒龍

俯瞰東南第一樓飛甍遙挂錦城頭粵閩交跨占形勝綿貢
雙趨控上游風月任教詩酒債江山管領古今愁仲宣不用
登臨感金渡春光異郢秋

絕頂樓荒接曉雯風吹仙籟杳相聞鶯聲砑俗攜柑酒雁侶

含愁澹夕曛萬事浮沈餘白髮百年寄矚半青雲何時更上
蓬瀛路尺五天標碧落羣

飲半山別墅

廖駒龍

久飫芳園美茲游到草堂殷勤瑤席展洞達繡帷張臺榭古
形勝山川閱夕陽平原多盛會共醉水雲鄉
繞屋森森卉徐探仄徑幽空亭遙過雁遠樹飽經秋地僻方
盤谷基高更跨樓買山誠不羨隨意自林邱
北牕敲枕臥人是地行仙迤邐青笻適高低蠟屐連雨中花
綺麗風外竹幽妍勝事華陽志酣餘倒載旋

分甘需引滿賓主雅懷通裘帶名驃騎麒麟舊總戎竹林真
瑞金縣志

卷十五 詩

二十四

豁爽芝草洵龍蒸金谷長如此詩成氣薄虹

雪竹嶺

廖駒龍

雪竹嶺高高插天窩盤轂轉紛迴旋遙望巖垂線縷肩輿
直到峩眉巔僕躬引踵垂頸脰時有磴道相鉤連凌兢迴陟
攀巖磔舉手欲拍洪厓肩乍聞子規空山叫到眼狻猊趨林
邊壁峭千尋勢莫極人喘僕瘁不得前不辨險夷境界異安
識高下境殊懸我因公務陟茲嶺身膺符守未息鞭時赴鄉
編查保
甲 躡躑艱如履蜀道蠟屐穿來年復年茲山巍峩若空同幾
番眺矚來名賢歇鞍地底始覺峻俯視川陸眇_々下方雷
雨洒密竹地偏氣候倏變遷長路關心感喟集臨厓駐足心

悠然

春仲偕同人游南塔寺訪清澗上人

廖駒龍

采公一去松實燕閣數傳來得令徒淨持戒律宗風暢金仙
 骨格憑跏趺曩者示余松實什名章雋旨味道腴什澄惠遠
 日以渺誰云異禩不同符龍山法鼓一燈續別有吟性紹祖
 模我偕勝侶來南塔雲松布鴿來座隅香溫茶熟日卓午相
 參妙諦證元虛藉以觀心逐妄跡佛唄音韻連鐘魚祇樹花
 開空色相頂禮如來暝坐枯華嚴熟後竚方丈人天覺路此
 焉居茂宰贈言真有合憚子居明府贈以怡雲一葉扁中流一砥狂瀾趨勉
 積功行証因果擁茲大乘贍文殊獻水天花同供奉得大解
 脫超三途

瑞金縣志

卷五詩

二十五

青雲閣眺望

廖駒龍

辰宿集重九舉世慕其名相與恣遐瞰循級躋層楹霜降百
 工息萬彙藏敷榮綿江從西來一水羅澄泓四山列屏障寒
 烟靄鬱蒸傑閣勢軒聳峻極如雲平崢嶸出世界可以擴心
 情江楓色染丹荻花鋪瑤瓊何妨羲獻共豈獨偕友生參軍
 傳落帽千載仰令名且用酬佳節就便採菊英年年看健甚
 好酌茱萸觥

曉發官倉

廖駒龍

萬籟吹羣動吾行亦理裝野喧歸市密橋渡趁耕甿大造勞

生久征人卽次康飲河祗滿腹何必認錢倉

人日衙齋漫興

廖駒龍

一官匏繫年復年蕭齋岑寂懷思牽韶華又逢人日至依然
故我相周旋梅花迎歲綻東閣縷金翦絲屏障妍游人登高
快佳會油花卜吉輝澄淵故園千里五載別况復中道骨肉

捐舊春三月

仲弟見背元鄉傷心歸雁後我今怕讀令原篇常侍拾遺

傷感舊况乃存沒倏判懸人事變更成今昔不覺二毛侵鬢
邊閒將詩酒發煩悶得茲可以娛靜便有時見獵意狂喜酣
游不惜屐齒穿故鄉舊好隔山水此邦知契情纏綿中宵耿
耿不遑寐挑燈獨自坐寒氊人共言愁我亦爾靈辰棖觸神
悠然檢點官書破岑寂失得勿恤無尤愆力競分陰勉鞭著
無爲楊子泣路偏

瑞金縣志

卷十五 詩

二十六

過院坑游毓秀園爲陳繼勛賦

廖駒龍

來往陽都路今過習氏園問渠流水活放眼遠山奔峻鷓空
天籟冥鴻度塞垣此中有濠濮何用更扁門

舟次謝坊同澹圃登龍門閣

廖駒龍

于役不遑寐啟艙月色澄破曉尋石級又向龍門登飛閣峻
上千旅雁排空騰縱目極遐曠恍游碧漢層去來舟不定時
見鷗鷺馴梵宇闐以靜中有高閒僧香溫茶正熟禪家味益
真卽景愜幽思一洗萬斛塵夙懷耽淨業况獲同心朋淨理

倘可悟還共證三乘

乙亥仲秋同危東柯楊仰雲惕軒游東山寺並柬書亮

上人

廖駒龍

公餘得清暇招游集朋知來到東山利爲訪沙門師甫入招
提界曲徑通透迤名花豁雙眸布置得其宜結宇清以曠空
色非兩離登樓恣遐瞰禾黍環隴逶羣有供咳唾萬象歸鑪
鍾方外有真味蔬筍當珍奇酌酒披瑤篇筆墨超辟支昔時
陶徵士惠遠欲摯維爲之破酒禁蓮社交相推至今東林寺
寒月照虎溪三笑堂中像夙昔曾見之今古同一轍山川隨
分怡知已三五輩集此般若池最愛名山遊笠澤擬天隨浩
瑞金縣志

卷五 詩

二十七

然超物外相與偶沙彌行將效安石選勝東山時誰爲後來
者當與此心期

初夏同張學博範堂登青雲閣

廖駒龍

閒尋石級攝丹梯檻外波澄樹影低如此江山真得助何時
觀閣不畱題伯仁揮涕悲風景王粲登樓憶舊知賴有心朋
偕領畧相期雲路手同攜

岩堯高閣挂城頭彌望平原碧落浮控制東南形勝地包羅
綿貢物華樓公餘正得開懷抱講罷何妨續雅游長笛一聲
思趙叟令名千載屬吾儔

南樓眺望

廖駒龍

振衣直上古危樓一望川原碧漢秋嶺北屏藩開畫障處南
銷鑰奠金甌幾番感觸增名勝何處登臨是浪游好共憑欄
看霽景白蘋紅蓼坐中收

偕廖牧園登青雲閣

張金鎔貴溪人

睚眦直上過雲梯首夏登臨碧落齊趙氏危樓人獨倚子安
峻閣晏留題新亭漫動湖山感峴首寧增崖谷悽莫道仲宣
空悵望心朋猶得矢持攜

赴瑞金舟中雜感

蔣方增陽湖人

戢戢投林鳥栖栖不繫舟艱難攜稚弱辛苦念沈浮風定水
光白月明夜氣秋峯迴谿轉處時復一句留

瑞金縣志

卷五詩

二十八

羊角城邊路全家住七年雄文誰跌宕老友半雲煙

彭秋潭
王石樵

已下世屋小謀容膝峯高欲倚天莫嫌官舍冷插架有芸編

轉餉三千里倉黃夜渡河

癸酉秋適有
京餉之役

昨傳飛檄警忽報揭

竿多勁旅雲霄下游氛

禁籟過蕭蕭鳴陣馬吾亦欲提戈

風雨重陽後天門詖蕩開尚書親帶甲虎將盡銜枚電掃空
螻蟻雷歡徧草萊瘡痍煩

聖主

丹詔五雲來

匡阜千尋秀鄱湖萬頃清一峯蹲五老

五老峯適當
郡城之南

九派響

孤城地勝鄰陶宅樓高得庾名風淳差近古藉手報昇平

南浦開颿近西山挹翠來長隄蓑笠畔繡壤水雲隈雨足多

新澇豐邑多水患春寒試舊醅龍津如可問時或有風雷

憶昔遊燕日琳瑯筆自豪空鳴歐冶劍難覓呂虔刀匹馬登

齊岱扁舟下漢臯蹉跎青鬢改蹤跡復勞勞

萬事且安遇孤懷一笑開鐘聲山寺迴人語亂灘來瓜艇帆

如畫魚箋手自裁空江新雨後碧水自滌澗

瑞金產竹甚精予以文竹名之邵閩風爲製酒瓊日月

滿尊并系以詩次韻奉答
蔣方增

風雨秋來欲閉門翠筠刷就有啼痕竹多紅點頗似湘竹裁成碧海銀

瑞金縣志

卷五

詩

二十九

蟾樣豁我詩魔醉眼昏盼到十分常在手未逢九日已開尊
人間無限清光好小飲剛宜味菜根

文竹酒具歌爲邵閩風作
蔣方增

桃根之瓊荷菡萏華飾不數鈿玫瑰綿江城南產文竹紅鵲

尾掃青雲隈龍鱗拳攫勢盤鬱湘雨漬染波滌澗峩峩雲吐

王屋岫點點風墮羅浮梅篔簹異采叫奇絕零落荆蔓舍烟

昔風泠泠兮雨浙浙有客忽自天南來博携金石愛奇古規

製尊卣精陶坏阜父丁盃款足鬲沃盥用卝設水罍玉倫提

復仿唐製金叵羅合傾春醅浮筠更擬郵筒式夜夢載酒瞿

塘回截竹奇巧等辨輦游藝歐褚誇兼該浮生百事不快意

對此襟抱爲君開莫嫌蹤跡與俗溷秋月皎皎無纖埃籬邊
黃菊已舒萼酌擬築糟邱臺

署東新葺屋三楹環植修竹顏曰浮筠山館偶成八章

蔣方增

韶光荏苒似跳丸容膝何須廣厦寬右史左圖煩甲乙繩牀
茶日任盤桓愧無倦羽知還計莫作浮生傳舍看偏愛疎疎
涼月影隔籬栽徧碧琅玕

一官草草作勞薪偶喜茅齋結構新社燕去來尋舊夢雪鴻
消息悟前因本無僦封侯骨暫學棲遲抱甕人住久黃鸝
也相識曉來啼破一簾春

瑞金縣志

卷五 詩

三十

濕垣細石長莓苔高館玲瓏絕點埃曲徑柳陰侵戶入隔牆
春水抱城來坐中靜室宜疎快階下閒花費翦裁一往鄉心
根觸處故園三徑爲誰開

慧不能除懶更偏澹然尋味得安便婆娑暮景看雙鬢羃歷
新陰又一年世上勳名歸將相山中服食誤神仙鱗潛羽翫
尋常事莫爲升沈更意牽

梅花官閣有餘清結習難除是好名異政何能誇鳳集閒情
應早訂鷗盟梨花紅透絲絲雨烟柳青迷嚶嚶鶯兀坐醉醒
難自定不知肝膽向誰傾

作宦吟詩兩不高書生水槩我能操隨身古研交成癖挂壁

雕弧氣自豪用世幾曾樗櫟棄登場且盡簿書勞放衙怪底
清寒甚典盡當年舊錦袍

雲階月地影模糊慷慨應須擊唾壺作戲那堪長傀儻朗吟
聊復費工夫難忘耕釣桑榆景未了朱陳嫁娶圖桂樹不逢
休悵望淮王雞犬得仙無

狂吟詩思渺天涯又見東風燕子斜此地可消閒歲月何人
不負好年華名花靜對偏宜酒斗室初成便當家他日烟波
尋舊約者番應作畫圖誇

贈志局諸君

蔣方增

芸籤甲乙集羣賢麗句清詞各鬪妍一縣雲山供點筆百年
瑞金縣志

卷五 詩

三十一

文獻有新編論因持正當違俗書到能傳自不偏一語諸君
應作劇夜涼半臂情誰憐

修志述懷六十韻兼示邑士

蔣方增

自我來綿江未敢事安宴簿書日倥惚歲月迅風電茲邦實
巖邑汀漳錯郊甸邇來風氣淳習俗漸丕變猥以章句儒作
宰山水縣憶昔下車始仲丁正釋奠官吏肅瞻拜朔望詣階
殿煌煌

宣講逮愚賤歲科試多士棟宇宜葺繕漶漫遍榱桷圯到
池堰勤力集眾議斲礱資榦練氣象增恢宏黝堊爛彩茜水
屬不理孫溝渠亦淤填磬折以參伍順軌流轉便南樓邑巨

鎮傾頽罷眇眇鳩工事級壘巍然聳冠弁周官掌固職一一
修講徧人物共葳蕤山川逾葱蒨賴茲年穀豐頻歲鮮饑游
殷勤勞吾民親尊教無倦仲春月初吉招邀里中彥邑乘久
荒蕪文獻失摩研時歷七十載亟亟宜論譔才俊咸奮興集
事各歡忭八鄉昔分隘險峻守重廩銅鉢峯插天烏道爭一
綫夙稱荏苒藪時或豺虎戰剪除賴錢侯偉績詳記傳欣逢
太平久兵甲盡銷鍊叱犢聽山謳耘耨樂租佃熙熙十室中
忠信雜狂狷搜輯在表闡訪錄事詳贍筆愧無董狐里或稱
蘧瑗體例貴精審釐然燦真面輿地首星野地道以天先田
賦關民生纖細及糧絹營建重學校秩官逮曹掾人物忠孝
瑞金縣志

卷十五

詩

三十二

尊節烈紀賢媛藝文富琳瑯詞翰備清選紀事列新編咨諏
徧耆諺條分雁齒排瑣綴鮫珠現苟遇一善長軼事慎招揀
陳編費讐校志壹無畔援嗤彼道路人昏懵逞媒談持此金
石心母爲萋菲煽愛憎烏可私是非乃共見雖無良史才竭
誠絕瞻戀室有史雲甌手詡庖丁剗判牘筆屢禿治書目不
暇艱辛達宵旦時或減朝膳迂性守冰檠疎節逮姻眷憔悴
皓鬚髮清寒集霜霰此中常泊然無所著歆羨昨有過譽者
名宦我應殿公論乃在人虛懷豈矜炫惠澤果以實聲聞似
郵傳斯之吾未信何敢誇獨擅書成共欣賞猶恐時目眩討
論不厭精椽筆或應倩後世誰相知悠悠任稱薦

遊羅漢巖

蔣方增

綿江東望鬱岩巖秋盡荒原草木凋絕壑煙螺堆萬疊危崖
雪練響千條山深樹石皆奇古夜靜星河欲動搖引葛捫蘿
人迹少相逢或有未歸樵

溟濛煙霧失朝昏怪石摩空氣欲吞四面嵯峨皆絕壁一溪
縈繞出孤村深巖伏莽多藏虎古寨無人尚有門狐兔昔年
奔竄地亂山白骨至今存

聽泉曾記到開先滯跡天涯又七年一騎乍探銅鉢勝雙趺
重躡翠微巔無心雲吐還依岫帶雨僧歸半種田何必買山
方託足醉來峯頂且高眠

瑞金縣志

卷十五 詩

三十三

塵海勞勞悵此生越甌初試在山清漫空點點常疑雨終古
潺潺只此聲翠巘忽開天一線亂雲高湧月三更人間不盡
閒邱壑多少林泉浪得名

看山老眼未模糊陟險猶誇逸興孤風雨忽來巖欲動蛟龍
乍起水相扶排空樹疊千重翠不斷絲穿萬斛珠俯仰幾人
陳迹在姓名多已沒荒蕪

水流寒碧石嶙峋莫羨桃源可避秦泉到峽邊多磬響橋橫
天際認仙津愧無靈運探奇筆恰少淵明送酒人鴻爪他年
期後約再來當亦記前因

元旦迎春喜雪呈周雨亭先生

黃煜 南豐人

自來十冬不見雪夢入峨眉滿萋薛同官裘敝胡飈齧屠蘇
罄矣堪栗烈萃聚公廨辛盤列續醉春光生面熱天上飛來
落地潔元旦迎春瑞應節雲縠東南日如月片片旋風酣未
歇元冥青女昨宵別今特大尹冰心結大尹純心布坦白閣
閭撲地渾一色環郭長林連阡陌青雲高閣看得蹋歌童
續老衣帛灑被欣欣越光澤先生裹理超凡百溫蕭鎔勻戒
深刻奠酒祝今多禾麥官民免受炊米迫但憑絲水清脈脈
爲寫神君德音貺

游羅漢巖

黃煜

憶昔遨遊次北漠短馳長驅及時樂今朝探奇輿馬艱烏道

瑞金縣志

卷五詩

三十四

羊腸倩同學松岡一盡見蠶叢左右提挈細盤躩見山問巖
山愛遮澗磴鋒稜多倚捫不知何代神將軍長劍劈崖勝工
斲太古圭璋禮蒼靈夾洞長畦種仙藥轉崖忽仰秉燭岑朝
朝暮暮霞欲著拔地頂天萬古光古人寸心至今卓不夜城
中更上層絕壁深林纔隱約到巖人渡鎖雲橋風雨淒聲忽
蕭索山僧指引看三泉衣塵未拂心先濯兩壁千尋接縫開
縫不容針開太拓石壁剝盡十畝閑壁簷出瞰一紙薄簷下
澗石相枕依聽取壁泉從澗落最幽一泉出合縫疊垂人乳
色斑駁乳汁短長綴銀絲吸飽蹲獅勢欲躍簷左一泉號米
篩長縷數十階石鑿晴日凜如屋漏神風來旋播無定泊左

壁竚立太璞完風埽雨墨椽筆搦中裂一線馬尾懸遠注深
潭近山脚三泉流澗八音諧虎豹不吼竹不爆白雲終日過
崖簷黃昏鐘盡有誰覺巖月墜蟾未肯歸化石寧受雨風剝
衰老自憂歸路難却誌茲巖殊不惡

瑞墨行

并序

胡泰 邑人

墨之製爲石爲煤墨之名或雍或蜀由來不一魏晉
而後得名者獨一韋仲將至唐季易水李超父子出
始以其技大鳴於歙州士大夫競相誇詫而墨之聲
價益重瑞金造墨未詳自何時雍正間猶寂寂今則
肆中日役數百人錦囊丹檢盛行於四方子墨客卿

瑞金縣志

卷十五 詩

三十五

什珍於四譜亦一時美談也爲作瑞墨行以紀之

銅鉢山高鬱岩堯絕壑崱嶭吞碧霄中有千年不死之松樹
杈枒磔硠凌霜標彩鸞白鶴翔其上都梁藿蒺纏其腰支離
不中梁棟選黠黠曾經劫火燒老超之裔過其下 叶 目眩口

呿心爲數文園藝苑有寶材胡爲薜剝苔埋腐塵土差吉日
命儔侶共引萬年車手持修月斧斲削別薪蒸方圓合規矩
置之窈窕之洞房傳以太乙青藜光丹竈氤氳火候熟翠釜
茸茸埽元霜和以青麟髓糝以麝臍香黃竹晴瀾挹壺壺 綿

發源于

黃竹嶺 象湖寒溜注琤璫昔時宗易水今日重綿江桂院玉

白霜兔守藥欄餓杵五丁扛瑞霧濃雲時翳鬱千椎晝夜勞

春撞琉璃匣印龍文淺赤豹皮緘烏玦雙龍山寶氣宵冲漢
梢郡長虹夜吐釭寄語案頭松使者好將雲漢織天章

金鵲橋八景次韻

胡泰

荒荒山崦裏人說古屯營淺草殷腥血沈沙蝕斷兵嶺高常
火種雨潤卽刀耕戰骨何曾朽天陰聞哭聲

桃營種雨

空山新雨後攜杖過橋來雜遝浮槎至奔騰巨浪開濟川人
共遠上漢客叨陪莫謂斧斤重巖巒多異材

塔陂泛槎

昔稔牛通蜀今聞金糞河披沙誠有得好事或傳訛百次螢
光聚在鎔龍藻多鼎鐘方待用勿遣晦巖阿

牛渡淘金

駕潭水活活有叟釣苔磯帶雪拋香餌迎風斂葦衣游鱗時

瑞金縣志

卷十五 詩

三十六

翕集沙鳥不驚飛釣罷沽村酒天寒鱸正肥

駕潭釣雪

浮光無不照原野弁山林纖草濃垂露平沙碎點金高甍敷
麗色白屋啟重陰幸食太平福毋忘向日心

赤沙烘日

沉沉宵景靜素月湛寒塘徙倚濠梁上遙聞杜若芳天清雲
不滓風定水逾光多少塵冥客寧知夜未央

青塘漫月

每向橋南望茲山氣正嘉有泉輸釀酒汲井自煎茶虎渴宵
分飲龍藏雲半遮由來形勝地總屬老僧家

紫雲幕井

冷冽懸泉水時時分茗爐因風晴灑雪映月夜跳珠沾漑良
多矣琤琤有以夫山中饒景物誰謂不知姝

石溝滴乳

贈鍾生

有序

羅有高

邑人

鍾生名泰璣字似玉予表兄京初族弟也家僅一椽
粗被風雨餽粥不充僮負雜作以養其親而讀書不
輟嘗求爲鄉校爨下炊僮藉以講論文藝益刻苦時
或忘炊爲校師所誚不顧也天性篤摯父病見人輒
流涕父嗜楊梅徧索之必得乃已蓋庶幾古之獨行
者與予聞京初誦生行肅然起慕作詩勉之

漢有茅容去我久聞生之行若見之備保雜作常挾策呻吟
午夜志欲窮淵微肩負陶器謀甘脆時復作村塾師爨下炊
貌粗神肥十指黑破衣赤脚兀然正坐酣文辭偶爾煮飯忘
著算主者誚責甘如飴我聞古賢豪阨窮自厲多若斯卜式

瑞金縣志

卷五 詩

三十七

未達曾牧羊公孫收豕先卑西五羊食牛佐秦霸行歌而樵
守會稽天假奇境鍊英骨史傳所載蓋難一一臚其詞我生
愛才如愛命眼前磊落遭逢希世以膏梁汨真性葦門敝席
空見嗤嗟哉鍾生毋以久困自隕眉鬼神牖汝方將使汝心
地森靈芝况生至性我生畏趨庭至行微楊梅不見鍾生面
寫寄鍾生詩高恢伯通竟寂寞我今何幸得與鍾生相攀追
雨中送別莊湘庵先生

羅有高

積雨經旬未必休廉纖瓦溜注深愁奔雷破夢孤魂戰薄冷
傷人五月秋自信昊天懸日月誰從卜肆問沈浮人間萬事
歸元化看女淫淫目下收

續鳧斷鶴真成拙應馬承牛大是狂林甫閣庭堪熱炙敬通
文史漫焚香窺魚皓鷺論修潔嚇鼠癡鳶自肺腸交報習因
曾不定注鎧勤問法中王

江雲漠漠水迢迢越國佳人趁晚潮黃耳莫郵離後泪綠楊
難繫去時橈登樓豈獨悲王粲作誦方成憶鄭僑一自深隴
梅落後湖山賓主鬱岩巖

阮籍誰憐值路窮十年羸馬厭西東牀頭著述悲歌裏蝸角
功名醉眼中點竄凌雲懷狗監摩挲繡鐵跛猿公溟鴻如許
相追逐碧殿紅泉得得同

和寅谷鳳凰山刻新竹詩四首

羅有高

瑞金縣志

卷十五詩

三十八

帶烟和雨珊珊在陰閉陽開動亦閑怪底月涼明夜壑卷舒
銀漢水晴山

不人不地其天籟素節空中杜萬吹苗地拂天尋日事居然
伯仲老松枝

出山以後人千里輸子精藍曉夜鐘騎省二毛今待白君猶
綠鬢未成翁

偶然醫俗知無奈別有幽懷總愛山但得天年齊社櫟何辭
刻劃見深斑

和楊默堂先生韻

羅有高

唐風邈矣遠尚及杜秋詩意共鸚杯逸情兼玉漏遲筆花今

牛校身體而謂身體髮膚大叶干將鏃鄒不用以屠狗苟非
不得已虎亦同么麼君不見李廣射虎藍田山通身虎爪痕
斑斑

金鵲橋八景次韻

劉朝瑄邑人

聞說孤城將當年此結營貔貅會督戰烽燧已銷兵秋雨村
村藝春雲處處耕幸逢全盛日四野起歌聲

桃營種雨

一篙谿水碧兩岸泛槎來傍柳柔絲繫浮波繡穀開牛郎何
處訪鯨客可能陪須識山隈僻偏多曠世才

塔陂泛槎

金牛今已去玉屑早沈河揀得沙難混淘來寶欲訛臨爐精
氣聚衝漢赤光多幸不遺微細提攜出澗阿

牛渡淘金

瑞金縣志

卷五 詩

四十

雪淨垂綸好何人占釣磯紅桃低石礪綠水染苔衣地僻人
偏靜機忘鳥不飛餌香緡更細牽得鯉魚肥

鴛潭釣雪

旭日臨南岸虹橋映赤林曙霞疑藉綺霜葉似浮金近圃移
紅影邊籬積翠陰山村光景麗點染白雲心

赤沙烘日

人夜千山月分來半畝塘菱花留皓魄仙桂潤清芳露浥銀
盤冷波沈碧玉光了無塵跡近人在鏡中央

青塘浸月

涓涓流石井鮮潔爲誰嘉靈寶連僧舍員鐺煮筍茶祇宜玉
檻淨何用鏤盤遮冷可清肌骨品泉第一家

紫雲幕井

雲竇流寒乳每憐試藥爐一絲飄白練萬顆落明珠應可清
詩骨兼能起病夫只今窺石洞無路訪仙妹

石溝滴乳

金鵲橋八景分賦

桃營種雨

危星燦 邑人

蘆荻蕭蕭故壘存一朝霖雨洗餘氛虎皮蒙甲陳時夏雀弁
投戈講藝文征戍無烟晴似雪野田有稼綠如雲百年共醉
伊耆社桑柘村村賽鼓聞

塔陂泛槎

羅鴻漸 邑人

千崖萬壑赴羅溪金鵲橋通路不迷竹筏何能來漢使編槎
長自泛隋堤雲縈谷口猿清嘯月落波心烏夜啼却怪曉來
煙霧濕遙尋孤塔認東西

牛渡淘金

李喬 邑人

瑞金縣志

卷五 詩

四十一

金牛一去杳無蹤猶見江干寶氣濃浴海尋針徒自苦刻舟
求劍竟何從褰裳沐雨觀朝槿涉泮披沙坐晚松拾取半星
聊換酒圍爐爭唱醉芙蓉

鴛潭釣雪

藍時省 邑人

一上苔磯百慮抽鴛潭無伴獨垂鉤潛鱗已躍桃花浪芳餌
猶懸杜若洲蘆笛吹殘江雪白綠莎坐破水雲秋繁華盡付
紅塵外沽酒烹鮮得自由

赤沙烘日

湯家駒 邑人

獨上江樓望赤沙春山無日不晴霞綠分竹嶺雲中樹紅帶
桃源雨後花香散紫泥舒燕翦烟舍碧砌長蘭芽門前一派

羅溪水直送祥光到帝家

青塘浸月

劉榮芹 邑人

月印橫塘啟夕霏
觀魚濠上捲書帷
風翻水荇指金鏡
露洗楊花染羽衣
壑淺不嫌玉兔小
池深偏愛海鯀肥
憑欄不用燃犀照
徹曉冰輪湧少微

紫雲幕井

危賡颺 邑人

野寺崔巍逼絳霄
寒泉漱玉醞山椒
深搖桐影雲根合
靜噴花香風味饒
露洒酒壚醺畫舫
雪霏茶竈潤詩瓢
良辰有客懷孤往
蓮社無僧漫寂寥

石溝滴乳

湯才夫 邑人

瑞金縣志

卷五詩

四十二

作室穹窿想巨靈
曾從山曉望空青
雲拖素練懸飛瀑
雨滴銅壺濕亂螢
石磴有塵風自掃
巖扉無鎖月常扃
蒼茫四顧蒙泉靜
別闢乾坤一草亭

夏過庵子前贈危彩霞

湯誥 邑人

嶺外橋橫四野通
斷雲無計架長虹
鑿山石破五丁力
僱役錢輸百室功
朝出飯攜荷葉雨
暮歸衣捲荻花風
行人那識君勞甚
草笠芒鞋溽暑中

鳳凰山

羅有璧 邑人

山山皆北面
突兀是前峯
頃者寒煙澹
超然幽興濃
懸秋空
迹象竟日豁
心曾莫怪形
惟峭微參得
所宗

密溪水口峽

羅有璧 邑人

峽鎖秋江晚清溪望渺茫川迴丹嶂合雲破碧天長綠樹攢秋色紅泉下夕陽自來還自去幽意共誰將

清香潭

羅任之 邑人

謝官陵妻陳氏瑞金人也官陵博徒無賴陳婉諫之極窘辱不怨官陵議嫁陳陳投清香潭死焉潭在瑞金縣智鄉方陳死時兒置潭側匍匐呱呱陳恐兒溺而夫無後也出乳餌兒解帶維樹下遂投潭死後有異鳥悲鳴潭上邑人楊枝遠賦詩吊之

淵淵清香潭瀝瀝草頭露豈不願富貴有夫將焉如水清石

瑞金縣志

卷五 詩

四十三

磷磷禮義緣情附出身行事君患難勿相惡我生蓋有命涕泣獨寐寤孤鴻思徬徨風吹松柏樹似續念吾兒終焉此一哺化為鳴鳴鳥空潭泣煙雨

冬日遊環可園

張起錢 邑人

天開圖畫小仙洲友集南園次第遊曲徑頭頭皆是道謾誇十二是層樓

方圓池沼緊相連半蓄修鱗半種蓮細看魚從花下躍忘機自在水中天

靠梅結屋竹開窗窗外花光映水光五步曲從十步轉始知水面盡文章

洞岩東軒日夕佳新栽蘭桂尚含芽園丁好囑勤收拾莫漫
相欺鬪雪華

霜寒木落愈精神紅葉蕭蕭却勝春誰識坐深香細細尚留
黃菊待詞人

竟從山下上精廬尤喜函藏太史書甲乙牙籤真自好風生
談吐信魚魚

舊林遊遍又新林展盡芭苧聽雨心却愛日西人醉後看山
又上小螺亭

關心暮色是烟嵐曲逕蕭森竹萬竿正待推敲題竹句寺鐘
隔水數聲殘

瑞金縣志

卷五

四十四

相送柴門喚小舟芙蓉花外櫓聲柔回頭不盡園林趣漁火
江楓一望收

百年勝會正無常美盡東南足小康就地何時分半畝來將
奇字問楊郎

春日深秀園偶賦

楊昌蕘

邑人

草廬何寂寂地僻遠塵囂晝靜彈書蠹花明酌酒瓢故人期
不至春色獨相撩畫棟雙雙燕臨風對語嬌

戶外環阡陌彌田一望平野雲連幔卷山鳥隔窗鳴躡屐每
孤出負鋤多耦耕牆陰芳草地碎點落花輕

物色園林美鶯花三月初晴光蒸草木暖氣盪襟裾羣品資

心賞新機與化舒石欄時獨倚吟罷好風徐

過鵝嶺有懷

楊昌翥

百仞岡頭翠色濃晴嵐罩處策遊筇於今野戍空刁斗剩有
殘陽下夕峯宿草原邊墳壘壘寒流澗外樹重重板橋路過
茅庵側木落蕭蕭急暮鐘

守節吟

為嫂朱氏作

楊昌翥

妾憶年十七幸賦桃夭詩願自為夫婦皓首無間離同衾四
載後始見呱呱兒兒生纔七日良人與世辭良人辭世妾心
悲人言大義死共之孤兒在抱如浮漚妾死誰與顧復成人
延宗支高堂重慶髮蒼蒼妾若就死存者傷我生既不辰我
瑞金縣志

卷五

四十五

心自匪石撫孤兼安老人心用報良人慰靈魄

九日登青雲閣

楊昌翥

瑟瑟西風度女牆朅來載酒菊花香城頭樹擁樓千尺天際
雲飛雁數行何事悲秋多感慨不妨落帽任疎狂憑高一醉
溪山暮俯瞰寒潭月浸光

呈學博歐陽荷峰夫子

謝枝崙

邑人

龍門生孤桐鬱鬱復蕭蕭青枝橫銀漢綠榦凌紫霄雷雨空
濛來影動虬與蛟鳳凰鳴于上佳氣何清饒以彼製為琴彈
之萬物調

良馬不易識欲識難盡辭相形乃下土神骨在離奇朝發蒼

梧野暮飲昆明池雲雨起天風飛騰正及時
臯樂懷其德伏櫪而無悲

漁村

謝枝崙

雨歇江含霽雲收水定陰桃花連渚遠
漁網集村深獨得生涯樂能安物外心
經過雞犬夕徒倚羨春林

蛙泉寺

謝枝崙

獨上蛙泉寺青霄一點中雲生興地氣
水落捲天風破壁孤僧老清香佛殿空
百年成過客吾欲問支公

宿山家曉起題壁

謝枝崙

樓低野水窗橫竹故人邀我草堂宿
月落雲濛隱空曲欲眠

瑞金縣志

卷五詩

四十六

不眠跋盡燭忽聞蒼鬱一聲鐘晨光漏射西峯綠

同家酣古危東柯二居士遊環可園

謝枝崙

臨江鬱華館遊蹤泛小舫尋徑延氤氳登樓受清曠芙蓉惜
秋萎佳菊怡朝放天宇淡成碧雲水照杯益靜中寒籟生頽
齡戀絲續寂寥假幽居日暮神已暢

過酣古兄瓣香園分賦

謝枝崙

彈琴會名園日暮然華燭涼風暢盍簪談笑無塵俗明月來
東垣團團照芳菊撫景各有歌爲歡勸酒緣神適文乃生累
去理自足曠懷從中來今古忘寵辱

同族弟葆光東峙遊漢仙巖

謝枝崙

萬古仙靈地餘年逐浪遊樹陰銀漢午花冷石巖秋山果空
能見天香只欲求離奇看不厭回首駭飛樓

幽松天影靜僧磬落餘曛眾水陰陽合諸峯隱見分纔生金
鼎月忽斷石鐘雲爲語連騎客畱題應妙文

學博彭乙樓夫子同弟犀崖先生賻葬彭奏庸一門四

櫬歌

謝枝崙

故人在昔善居富未及交遊各分處老來一跌如我貧彼此
忘懷常絮絮叩我何以少談窮談之無益起人吐相笑高天
坐松根盤桓經史味深趣嗟哉零落老而逝一門幾櫬不得
墓荒庭細草下餘曛寡婦遺孤泣蓬戶我固蕭瑟蒼莽中幽

瑞金縣志

卷五詩

四十七

情耿耿愧風雨歲移月化忽多年我師見之垂痛憐兄弟招
邀瘞四觀師復捐俸意纏綿悠悠鬼氣拜深夜感激青燐有
所藉每于日夕作遊魂秋風黃葉翻翻下慨夫交薄古道稀
不無年少哭路歧曼卿死後麥舟少西華寒瘦練裙垂我性
多愁亦槁目江上花開行遲遲伯玉恥獨爲君子綿蕞雖薄
快心脾吁嗟安得人皆如我師卽此一端義且慈能敦風教
力不微

同鄧雲軒遊環可園

謝枝崙

野草浮春色清華水一隅岸寬迴閣密雲淡小亭孤校象分
秦相窮經辨漢儒鶯花延日永畱酒勸銀盃

山齋

謝枝崙

眾壑咽陰澗幽齋隱翠微山虛寒籟起樹晚宿雲歸野菊爭
新朶池荷落舊衣吾于遲暮意深覺愜柴扉

東軒漫興

謝枝崙

卷幔臨蔬圃清晨花露微霜華侵老鬢野色淡秋衣自是過
門少終然鼓瑟希匡廬思築室朝暮萬松飛
若學柳州記文章瘦峭難至今猶墨暈一望盡峰巒境界幾
人到板吟獨自寬池荒蓮葉雨有味益清酸

陳石山

謝謨 邑人

爽氣秋澄逸興濃扶筇獨上最高峯石橋雨斷尋來路野徑
瑞金縣志 卷十五 詩 四十八

雲深失去蹤第一山門空色相大千世界拓心胸懸崖瀉瀑
浮無極洗盡紅塵百萬重

丹崖壁立勢嶙峋九曲盤空一徑循鐵甕門高凝宿霧銅關
地險靜氛塵藤陰作雨藏魍魅石色生寒動鬼神最愛清潭
來月窟半泓秋水燦龍鱗

綿江何地最關心十二峯頭烟雨深千丈崖強聞虎嘯八音
澗靜作龍吟聚沙結米寒泉漬滴瀉成珠夜漏沈鴻爪雪泥
回首易畱題絕壁快塵襟

壁壘空餘古戰場昇平故事日荒唐奸雄白骨埋秋草王霸
鴻圖半夕陽今昔遷流雲淦淦石林隱約色蒼蒼人間汗漫

無窮事靜聽魚山一梵長

陸公泉

謝謨

綿貢雙流走縣城溪南岸下自盈盈太常冰玉泉同泐明府

風流水共清

邑侯張恕堂有陸公泉詩

百尺雲腴翻乳竇一林花影護茶

鏞軒前山色依然綠地以人傳萬古名

太常陸公有軒前山色依然綠句

遊陳石山

劉忠愛 邑人

靈山何窈窕言遊適所適蒼然谷逕幽片石故如劃試劍果

何人荒誕彌今昔石林風落秋草深谿鹿跡懷古正蒼涼嘯

侶從茲役

試劍石

捫蘿踏幽磴縹緲見山靈有峯如蹲獅體靜勢崢嶸崖響谿

瑞金縣志

卷五 詩

四十九

雄吼虎豹疑且驚威嚴鬱生態震蕩走雷霆眉端芝草肥欲

采雲冥冥

獅子峯

役心賞靈巖入谷莽無路浩漫將何之蕪滑散危步斷橋敲

青叢灌木森陰霧曲澗咽細流鳴禽趨高樹偶與樵者期倘

然欣所遇

鎖雲橋

靈巖故多奇未若茲泉勝瓊漿浥素秋涓滴墮風磴珠串下

瑤天入手不可凝石韻瀉烟蘿靜與梵聲應於茲悟雨花聞

見倪新證

撒珠泉

微微仙梵聞寒泉咽危澗大雅留元音寄此水石幻宮商渺

依永疊拍互回換泠泠豁幽懷古穆不可讚寫之龍門桐揮

弄忘歲晏

八音澗

亂壑浮蒼翠，圯臺橫斷雲。猿狖當秋啼，雉兔效友羣。時平曠
巖戍，雨籜看飛翻。悼望一淒然，夕照瘦欲昏。披榛得歸路，洞
口已氤氳。

翦雲臺

澗秀園

劉忠愛

鷄窗存古志，風雨一懷之。養拙閑猶適，論文淡更宜。雲衝林
缺處，花落燕歸時。萬个琅玕竹，虛心是我師。

陪張鶴舫先生遊環可園

危肇祥

邑人

官舍日清閒，秋風吹簾幙。追隨訪名園，徐徐出南郭。修竹插
千竿，到門霜氣薄。何須畫滄洲，變幻收川嶽。撫景日夕佳，橫

瑞金縣志

卷五

詩

五十一

波出傑閣怪石何嵯峨，曲榭亦歷落。小憩來青亭，天空浮萬
壑。嗟我放蕩人，山水鬱魂魄。悠悠幾十載，唯師欣所托。曠懷
論古今，形跡終糟粕。兀然生慨慷，聊以行吾樂。

登城晚眺

危肇祥

曲徑春烟寂，孤城一望賒。危灘飛艇疾，古寺斷橋斜。天遠浮
青嶂，江空走白沙。百年疎放在長嘯，水雲涯。

過深壠

危肇祥

犬聲迎客轉，東隣白髮飄。飄不繫身薄，酒醉殘山店。夕蹇驢
吟過野橋，春擁山雲色。猶含凍貼石，苔痕漸露新。十載消磨
舊遊盡，荒村獨立苦懷人。

隔宿離堂陳酒鍾師似豐年玉我如爨下桐憶從十載游長
荷甄陶功詞章繼蘇鄭經訓媿植融萬象鼓陶鑄千篇定拙
工晨夕研悅齋坐我春風中塵纓頓洗滌雲夢不芥胸雕蟲
技粗傲感逝年華恩師今捨我去何由會西東而我復何似
鉅虛失蛩蛩諸君共惆悵深夜一尊同東野難爲雲京兆終
爲龍

呈邑侯惲子居先生

危肇祥

綿水清清浮波之濱我侯戾至其澤如春言釀其酒爰采其
馨我居其下我望其雲遙遙介福熙熙黎民

綿水清清柳渡之間我侯戾至多士颺颺躬躬粥粥古處力

瑞金縣志

卷五

詩

五十二

敦我居其下我值其綠時或晤言時與周旋

綿水清清南岡之坳我侯戾至勸稼恤刑野有青草甘露零
零我居其下我樂其生以泳以遊以寢以興

綿水清清龍山之前我侯戾止庶草芊芊鋤彼稗莠植我良
田我居其下我游其天可以療饑可以長年

寄懷松竇庵清澗上人五首

危肇祥

布穀荒荒叫蒞庵想望初半肩勤火種十畝帶雲鋤舊雨飄
零幾青山杖履餘何當一尊酒醉倒夜窗虛

會到青原寺高僧不易尋

上人于廿年前飛錫吉安

席分元亮社詩奪杼

山心細草迷雲竇梅花滿雪林老難忘舊約早晚聽梵音

憶昔過禪院西風一葉秋狐眠甘露閣雅噪石香樓

庵中精室名

諸佛蒼苔臥殘鐘暮雨收愴然空悼嘆恢復賴常州

庵久傾圮常住

被人侵佔常州憚子居先生蒞任捐俸贖回

護法人何在枯禪詎易參

上人法祖采若能詩刻有松竇集與長汀黎愧曾參議為方外交往

來書札稱護法弟子云

至今餘墨跡一望盡烟嵐小衲持千偈諸天燦

一龕蒲團歸座穩何事塔山南

上人向挂簾南塔寺

觸目皆情景新詩定倍初辦香松竇集重整護生居

參議手書庵額

絕佳茶煮林間雪羹烹甬後蔬青山還有伴猿鶴莫愁孤

過龍珠寺

危肇祥

荒廢多年寺經過欲暮天殘碑芳草外老衲夕陽前入牖烟

瑞金縣志

卷十五詩

五十三

光薄臨流塔影圓祠堂懷六雋

邑人楊維節汝基帝元謝子起土芳朱敬之讀書于此號

赤水六雋昔已建祠今廢山色黯淒然

次邑侯張恕堂先生陸公泉原韻并繪圖呈贈

危肇祥

選勝溪南外寒裳野渡前漱流尋古蹟刊石出當年一勾銀

光白盈科月影圓怪他廉讓井又接第三泉

坡向溪頭轉橋從石罅穿冰壺原皎潔空水共澄鮮仙觀餘

芳草漁人唱晚煙寫成圖一幅今昔匯名賢

銅鉢山懷古次邑侯彭秋潭先生韻

危肇祥

峩峩銅鉢羅高峯嶸崎截業百千重霧頂雲腰結佛閣漣濛

煙雨紫嵐封枯松陰翳篁邃密溪湍巖溜飛淙淙俯視眾山
一何小人代荒唐割昏曉何處謳歌唱吁喁採茶童穉穿林
表牽蘿拾級登危顛白衿青鞵澹蕩天澗邊禪室春深雪砦
外龍潭夜半泉飽聽四野賡糺縵誰記當年羣盜窟當年盜
窟蓋有源謝河楊沈戕黎民我邑毗連界閩粵茲山鬱紆藏
藪淵是時排門聚鄉勇相資守望衛籬樊閭匪江豎復不逞
遂令跳梁相攀援賴有桓桓徐大夫織厥渠魁追逃逋良懦
因而得鳩集瘡痍離析莫攸居餘焰復衝茲山前殺人食肉
紛狂躡更荷堅明錢邑宰一朝唾手縛兇髡乃盡掃滅諸巢
穴至今猶想萬人屯百年兵氣久銷歇陌上清風走啼鶻村

瑞金縣志

卷五 詩

五十四

村父老享昇平緬維禦寇思先哲三月韶光淑氣盈郊原布
穀催人耕我侯治功山不朽口碑長在孚輿情

志局分校奉和蔣淶初先生原韻

彭玉雯 寧都人

文獻初徵集眾賢馬班陳范各爭妍焚香但覺心堪告脫稿
重勞手自編傳入循良人不朽居鄰廉讓地原偏使君素著
埋羹節尚有猪肝客見憐

前題

胡國耀 德清人

萬口爭傳大尹賢心香馥郁筆花妍農桑孝弟辛勤課山水
文章甲乙編清况轉因爲政久高懷但覺愛才偏他年父老
刊碑處共說頻邀召伯憐

前題

陳起銳 邑人

象湖天降使君賢志乘重修字字妍七十年來新著作百千
秋後大遺編事關公論心先正學本中庸道不偏坐我西窗
頻翦燭夜寒風露更相憐

前題

劉安蕙 邑人

英詞金石潤前賢宋艷班香各鬪妍六載絃歌沾雅化千秋
人物燦陳編爭傳開府文章老不信荆公字說偏棐几一燈
慚校閱樛材何幸使君憐

前題

鍾奕德 邑人

千秋著作紹前賢班馬濃薰各鬪妍才學識應推大手畫書
瑞金縣志

卷十五

五十五

詩亦紀新編單詞隻字搜羅廣斷碣殘碑攷訂偏不是曹倉
人物志叨陪文學更誰憐

前題

楊其濂 邑人

東閣初開集眾賢史才從此發春妍雲烟麟筆刪金篆潮海
龍綃訂玉編書為可傳真可信心原無黨自無偏笑他佳傳
憑陳壽乞米丁公亦自憐

秋日同友人遊東山寺

劉安蕙

東山古寺共幽探我輩尋秋興正酣居近辟塵添逸韻

辟塵居

邑侯 漆初軒開品月快清談 品月軒書亮上人 爐紅功轉靈

丹丸 寺製丹膏頗效 菊淡花開曲徑三沈醉渾忘歸路晚村煙遙指

認溪南

遊東山寺次劉蘭齋韻

陳起銳

漫把東山勝景探雙清橋外午風酣敲門才破高僧夢列坐
閒邀處士談貝葉聲聞沙數萬木樨風味乘參三年來定有
籠紗日佳句何人冠斗南

登陳石山

鍾祚雄 邑人

遵彼清谿行遠上陳石境空谷虛籟生高泉瀉清影龍臥石
潭寒虎嘯松風冷鐘梵起禪林殘聲度西嶺
四圍鎖峯巒花鳥正無限牽蘿尋古道嵐翠豁雙眼一線可
窺天深巖詰曲轉身與洞雲閒悠然興不淺

瑞金縣志

卷十五 詩

五十六

遊龍霧山謁祖寶公墓

謝朝翔 邑人

山翠溟濛曉不分別開巖壑盪烟雲池環古冢澄秋碧剎建
層巒漾錦文松籟半天鳴野鶴樵歌滿徑散斜曛夜來寺磬
隨風應響徹寒窗一枕聞

登雲霧山懷祖寶公遇仙事

謝綱韶 邑人

層巒迢遞白雲邊積霧橫空嶺接天風月滿山僧院靜爛柯
情事想當年

浮雲世事總虛空白日飛昇孰與同何必千秋埋玉杖嵐烟
起處認仙翁

贈方外姪慧光

楊長鎰 邑人

傑閣山頭禮梵王此身長在白雲鄉書殘貝葉烟生硯吟遍
曇花月滿牀三昧透時呈智慧六根清處見圓光功深面壁
原非易證取傳燈一瓣香

夏日遊雲龍山

劉善邑人

欲識龍泉異攀藤陟危嶂羊腸盤碧空怪石羅萬狀古木百
尺森奇花四時放掃石看雷書筆勢謝公創松下覓井聳威
湧作波浪泉脈綿江通清流滌躁妄暑氣上方無澄眸空色
相跌坐幽篁下襟懷殊浩蕩清談到日闌歸去猶想望

避暑皇恩巖

劉善

象湖西南隅巉巖名皇恩烟霞繞其頂龜泉石罅奔中空數

瑞金縣志

卷五詩

五十七

十丈別有一乾坤六月不知暑四時花鳥繁石髮垂鴛瓦松
筠鎖洞門形雖似月窟誰從問天根仙翁昔煉丹客至乏盤
殮倏爾施幻術白粲盈石盆漫說事無稽至今遺蹟存

南塔寺與清澗上人夜話

陳蓮青邑人

鳥飛青天外貪媒入樊籠魚游深淵底貪餌墮釜中胡爲人
最靈乃與魚鳥同機張名利藪身陷荆棘叢心術非不巧儻
倖無常功北邙鬼笑人生前何夢夢迴頭便是岸善哉菩提
衷

盜跖日爲惡不甘受惡名良心原不死嗜欲蝕一生堯舜日
爲善惟恐不善萌所爭在毫髮力戰桴鼓鳴而况非堯舜敢

有盜跖情打破雁門關堅築萬里城內訟我如何面背汗交并

衛苗務去莠莠去苗始妍事天務謹幾幾謹天乃全無動亦無靜返照珠光圓闢盡旁門道掃盡野狐禪坐破百蒲團請問何爲先

讀書不求聞海內曾幾人爲文不見道頭白徒苦辛談道乏實落亦爲色取仁聖賢與仙佛歸本在一真悠悠千古心把酒花壽辰此花能結子持贈無懷民

游南塔寺訪清澗上人

陳蓮青

緩步斜陽外南岡第一山天低浮古塔樹暗鑱禪關老佛經瑞金縣志

卷五詩

五十八

灰劫高僧竟日閒貌懼心亦苦詩澹俗能刪煮茗兼青果開窗對白鷗遠鐘何自起坐久不知還

陪惲子居先生遊松竇庵

陳蓮青

鳧鳥帶雲郊外駐花陰負劍寺中留坐看新雨纔餘脚笑指春山盡沐頭壞壁藤穿鐘欲落疎松石砌徑偏幽采公一去無消息百十年來獨此遊

遊羅漢巖

邵廣鈞

昭文人

層崖曲折凌蒼烟入山見山不見天一峯虎蹲一龍臥奇鬼怪獸相鉤連雁翅欲墮香鑪轟碧芙蓉挂青雲邊羊腸疊疊穿磴出羅漢峯踞羣峯巔石作屋宇雲作牖竹笆籬以蒼松

編一十八尊佛面壁簷前倒挂飛來泉一泉如珠亂迸出點
點跳擲水光鮮一泉束縛似箕帚千銀線落風中懸橫塘瀉
入碧波漾美人明鏡開妝匳寒風逼人志歸路忽逢樵者導
我前左行里許勢逼仄函關一座開何年

國初土賊時小警屯兵積壘成中堅羣狐跳梁竟何用天戈一
指皆誅殲我聞名山洞府三十六一一皆以高人傳此山不
靈容草宄沈烟伏莽遭屯遭我借夸父手中杖當頭棒喝將
山鞭雲泉依舊光景新悔崖兩字摩崖鐫惜無美酒沽十斛
酩酊一枕高山眠峯迴路杳罕人跡題詩欲問鴻濛先

九日登南樓醉歌

秦格

金匱人

瑞金縣志

卷五

詩

五十九

九月九日天氣新登高盡上南門城南門城頭有高閣閣高
逼近秋雲薄雲作梯兮若可登擬叩天門捫碧落二十八宿
倪羅胸一千萬戶多入目豁我心胸起我愁蓬飄梗泊尚悠
悠翱翔志未隨鴻鵠浮泛身真似鷺鷥髀肉日生空自惜淚
珠徒向牛衣積浩蕩襟期天地寬崎嶇世路乾坤窄碗礪年
來滿我胸除非一醉能消得同人知我舊時狂招邀童僕羅
酒漿我喜足蹈并手舞未舉酒杯聞酒香酒香馥馥樂莫樂
未許旁人舉一觴吾腹果兮瓶亦罄此時顧盼多豪興迷離
醉看壁上詩詩中有語吾警醒謂言此閣關文風卦取離明
論固通我生愧乏生花筆柴門悔不當離宮

中秋夜雲龍橋望月

蔣子修

陽湖人

良宵三五月初升不用觀濤到廣陵
贏得象湖風景好滿城秋思夜清澄
橫江一帶明如鏡高卷長虹光不定
撲地閭閻千萬家樓臺都向水壺映
銀屏屈曲擁青山碧樹溟濛烟霧間
忽聽疎鐘林外度月華如水瀉空潭
千里嬋娟應共矚人間漫譜霓裳曲
不從詩品認前身那識嫦娥真面目
夜深月淡天爲高玉人何處吹瓊簫
一聲約住流雲影恍惚楊州廿四橋
君不見庾登樓袁泛渚翩翩逸興疑
僊府乘槎我欲廣寒遊好借吳剛手
中斧歸來四壁聲唧唧中庭有客橫
吹笛把酒聊磨水調歌爲探巖桂花消息

瑞金縣志

卷五詩

六十

重九日同人游環可園

蔣子修

滿城風雨放新晴閒訪名園載酒行
四面雲山開畫本一亭風月入詩情
題糕漫下劉郎筆作賦真慙宋玉名
手把茱萸思後會漫遊蹤跡又春明

深隴探梅

張德葵

邑人

香滿清溪月滿林梅花魂夢夜沉沉
羅浮隴畔添幽賞鄧尉峯頭寄短吟
野店小橋流水淺寒山古寺白雲深
何郎不見逋仙杳枝北枝南次第尋

同人重遊南塔寺

劉安蕙

淡淡輕烟散曉峯同遊古寺盪心胸
可人村犬也迎客問爾

山僧尚識儂露冷林間雲滿竇錫飛天外鶴巢松息機禪境
塵緣息座久時聞正午鐘

前題次韻

鍾奕德

指點名籃認遠峰了無芥蒂礙心胸上人瀟茗爭迎客天女
拈花莫笑儂午靜未歸亭外鶴冬殘獨秀嶺頭松先生好睡
渾忘醒寄語頻敲報曉鐘

前題

陳起毓

山名第一面三峰豁我今朝浩蕩胸聽過木樨無隱爾揭來
梅子正參儂滿林秋影江邊竹萬派濤聲澗底松到此渾無
塵俗意覺人大夢一聲鐘

瑞金縣志

卷十五詩

六十一

前題

楊于節 邑人

銅鉢曾推第一峯今遊南塔快心胸別無勝地堪畱客惟有
山僧却認儂鳥悅靜吟君子竹風酣徐咏大夫松餘年七十
人稱健那怕霜催五夜鐘

前題

危肇祥

溪南古寺耽危峯曾記參禪慰我胸百代迅馳渾似客今朝
重訪更邀儂雲青常護凌霄塔鶴老長棲遶徑松回首畢生
同夢幻山僧又打夕陽鐘

志局葺事送明經陳寶書歸里

危肇祥

同年同事復同庚 與君同年入泮又同修邑志 爲賦歸歎送客程千載難

逢賢令尹一辭偏贊老諸生健離竹杖行如少瘦到梅花骨
更清烟雨仰華山外寺

寺隔君居不遠
志載中洲勝景

終朝遠望倍含情

前題

楊于節

策杖夕陽前別離送遠天校書曾共閣紋譜却同年

與君同
年入泮

氣概雄猶在文章老更堅故園歸去好驢背聳吟肩

校錄春兼夏同居芍藥廳羨君真碩彥愧我老明經不寐吟
殘月挑燈伴曉星何當分袂去回首萬山青

前題

鍾奕德

經年校錄喜成書歲暮催君返故廬萬樹梅花詩思滿一輪
明月夜窗虛詞章不愧白沙後風味依然黃古初爲語蒹葭

瑞金縣志

卷十五詩

六十二

秋水外懷人兩地寄雙魚

平生最怕賦離羣今日東西袂又分蕉葉聽殘樓外雨楓林
望斷隴頭雲秀摟遠紹慙朋輩辨贗存真仗使君百里家山
程尙近明春好與再論文

志局歲事贈別孝廉鍾謙山

危肇祥

半榻校新編三冬聯舊雨盤桓致道堂得見詩文古翔雲餐
沆瀣皎然藻眉宇經術湛且深蒙姿愧愚魯斯人品行高宜
爲我候許冰雪伴窗櫺梅花香笑語那知孝廉船又泛凌溪
去

前題

劉安蕙

昔覩謙山面今知謙山心謙山心蕩蕩還覺比山深
矗立山明夕陡飛山秀曉持比謙山文不知誰更好
久伴謙山榻無端又各別淦淦山間雲皓皓山中雪
咫尺不厭見睽違那可說作詩送謙山誰能遂相撇

次劉蘭齋遊南塔寺原韻

楊其濂

振衣千仞最高峯遠岫雲生欲盪胸豎指禪機誰證佛當頭
棒喝欲愁儂冷寒笑語親黃菊懶散衣冠步赤松興倦那知
新月吐醉歸時送上方鐘

志局歲事辭謝邑侯蔣淥初先生

楊其濂

邑志遙遙七十年欣逢良史筆如椽冰壺濯淨三秋水金鑑

瑞金縣志

卷十五詩

六十三

磨清萬井烟飛鳥六旬勤蚤暮靈犀一點照媿妍謳歌竹盡
思難盡書與先生作並傳

偕邑侯惲子居先生遊羅漢巖

楊家驛

邑人

巉巖陳石高嵯峨春風攜榼來相過輿夫曳輿未及谷已見
雲樹垂修柯寺僧欣聞使君至肅迓作禮巖之阿到門古剎
何所有穿窗人戶皆藤蘿呼童挈榼開春甕佳品豈向山中
苛先生豪飲不可敵酒酣作記予作歌嗟予才氣本謏薄執
筆那得如懸河重爲先生有誣謗難免後世無譏訶嘗聞宇
宙富奇觀茲巖奇絕難捉摩一峯嶙峋森劍戟一峯跌宕敲
風荷或疑谷暗鬼神窟或疑石險豺狼窩蠟燭峯擎天柱立

溪橋雲鎖魚騰波崖巔飛瀑從天下翻然飄落成滂沱肯容
寺側起茅屋願甘終老披青蓑先生文成索吾詠亦許解旨
無偏頗興至臨風一長嘯四山答響聲其和從此名賢經過
後地人千載其能磨薄暮登輿返舊徑落照惟有東山多

九日登筆架峯

楊家驛

拋却重陽醉欣登筆架巔一筇分野色雙屐破秋烟日暮猿
啼澗風高鶴唳天欲歸難盡興山月正娟娟

陳石山觀陳武帝駐軍處有感而作

廖其洋 邑人

縣東有山名陳石峭壁懸崖真險窄九曲洞連三層臺天柱
巔頂雲霄隔幽泉飛瀉響淙淙流入石叢屈曲中登攀到處

瑞金縣志

卷十五 詩

六十四

憑眺遠渺然不禁思無窮梁陳鼎革軍嚴戒鋒刃交綏分勝
敗過眼旌旗草木寒當年想見登壇拜獨憐白骨埋荒墟荒
墟雲鎖日落初百戰成功今安在使人憑弔一歎歎

陳石山懷古

鍾盛權 邑人

怪石嵯岬鋒似削懸崖峭壁生蓮鏢是誰設險運神工周遭
巖業疑城郭相傳武帝駐旌旗孤虛緯侯參謀畧一朝赴義
向台城軍聲早已驚風鶴迎得江東一目王埽除侯景誅元
惡直到莊嚴又捨身慚愧王公孤并託故應玉樹後庭花腸
斷江南望仙閣祇今陳石尚名山猶是當年邱與壑我尋舊
蹟坐莓苔相對茫茫百感作古今成敗如弈碁風雲變幻隨

飄泊土人指點尙傳疑荒寺殘鐘烟漠漠

遊環可園

鍾盛權

一徑桃源似開門對遠山水含亭影翠花護鳥聲閒嵐氣當
窗見溪光隔縣環人家在何處指點白雲間

登銅鉢山絕頂放歌

鍾盛權

記得匡廬九十九峯皆岩堯其最著者欽崙崖嶸之勢摩丹
霄孤根削立不可仰但見半空擲下萬朵芙蓉影動搖我邑
銅鉢山粗能具此妙石磴盤紆杳靄間山路崎嶇巖谷陷我
來一步一生愁半天風急聲颼颼明晦陰晴頃刻變路轉橋
敲峰插面頭酸足繭上方通諸天縹緲望無窮俯視塵間渺

瑞金縣志

卷五詩

六十五

無有只覺蒼蒼莽莽都在洪荒大氣中到此恍然如出世不
知我身尙在人間地日月星辰各安纏川嶽鬼神聯一氣海
波不揚黃河清頌舜廢堯稱盛治人生際此世昇平何必勞
勞役役事空名似此登高覽遠蕩心臆勝置身於三島之蓬
瀛焉用東雲公焉用廣成子跨鶴共翱翔騎龍同戾止緬懷
漢武非仙胎承露金莖安在哉况復仙人事渺茫不如且泛
大海爲流觴醉來石上一臥千年呼不醒任他無邊風月照
清影風月悠悠春復秋山如有老應白頭問盡升沈今古局
一一無言閉塞喉只有山中木葉蕭蕭響令我心神空悵惘
仰天長嘯兩三聲下界人疑鸞鳳音競爽吟罷老僧禮意加

飲我瓊漿飯胡麻殷勤約我來年三月後再到山中看採茶
嗚呼再到山中看採茶吾將從此放浪踏烟霞

茶壺灘

鍾盛權

百折千盤勢灣環名之茶壺似等閒幾人識得此危險隱與

柴王

柴王壩亦灘名在會昌

較巉巖嶙巖如刀復如鐵刀鐵都從水中

匿中流一線走蠶叢驟雨奔雷翻不息雲根觸石斷復圍巖
舟到此詎能飛驚惶四顧疑無路注定眼光猶恐誤森森竒
鬼欲搏人沟沟勢已搖蒼垠水石分明欲相鬪一篙如絲須
入扣生死力爭毫髮間倘然稍懈已莫救吁嗟乎人間未省
行路難請看茶壺灘上灘不必驚森與狂瀾卽此灘聲肝膽
寒

瑞金縣志

卷五詩

六十六

楊烈婦行

危言 邑人

婦張氏甯都人幼嚮同鄉林池村時十六歲歸楊門 歸楊
門事夫君名于暉家極貧勸夫勉力勤耕耘 翁姑年老能
孝敬自諸姑伯姊以下莫不歡慶 夫忽病篤面垢頭蓬忘
櫛沐夫曰我亡汝必嫁他人生育我今膝下無骨肉 婦聞
夫言血淚盈掬君朝而亡妾夕瞑目 雲黯黯兮風簸簸呼
天搶地夫不祿水漿不入喉砒石暗吞腹 梳夫頭上髮檢
夫身上衣理夫脚上屨折夫牀上帷 夜殘戶閉哀聲寂翁
姑詫異起視擗房婦屍與夫屍交頸仆地果然不負前志

葬同穴殮同時猗歟烈婦楊氏妻 婦則節臣則忠我歌此
曲心忡忡畱待他年輶軒至採爲千古巾幗風

過東山寺

胡國麟 邑人

著破東山屐從今解問禪雨晴櫻筍路涼煖麥蠶天石磴盤
春樹荷衣間水田荀香雲冉冉磬冷竹娟娟午寂鶯聲澀苔
深鶴跡偏池光侵茗飲花氣宿爐煙薄醉疎風裏觀空落照
前老僧忘遠送曳杖已前川

深隴看梅

胡國麟

暗約東風蝶未知山南山北蕊參差壩橋雪印香痕淺官閣
煙籠玉照遲索笑暫巡檐影外相思多在月明時人間不乏
瑞金縣志 卷十五 詩 六十七

道仙侶肯讓飄零負酒卮

大嶂雲樵

胡繼周 邑人

古木蒼蒼擁翠螺浮雲深處起樵歌滿肩春影迷歸路絕頂
烟痕鎖斷阿曉露白涵青嶂遠晚霞紅襯綠陰多村童莫僅
看棋局逢著仙人便爛柯

龍珠塔

胡繼周

一枝玉筍曉烟籠遠勢巍哉插半空日影圓浮清漢表鈴聲
迴徹大江東遠凌春樹千家綠橫挂晴霞十丈紅從古龍珠
誰拾得滿天雲霧捲長風

綠漪園晚步

胡繼周

徑僻園林靜閒行過水西樹梢新月上山外夕陽低涼意清
風遠烟痕晚景迷同遊方共適野鶴已爭棲

登青雲閣

鍾盛鵬 邑人

傑閣青蒼擁山川悉至文片帆來遠樹孤岫接浮雲萬瓦魚
鱗合雙江燕尾分憑欄看不厭尊酒對斜曛

遊陳石山

謝雍 邑人

飛泉下諸澗入音諧聲律一派疾徐中靜聆音方得
狻猊似欲吼蹲踞足未踣日月作珠毬萬古攫空影 獅子峯

不由僧攜取安心化碧落仰承雨露濡長年飼鳥雀 鉢孟山

巖巖覆碧空香積在其下棟宇儼天成絕不施片瓦 羅漢巖

瑞金縣志 卷五 詩

六十八

劍仙何方來揮處石皆裂秀峯孕頰紋疑濺當年血 試劍石
崖簷珠滴瀝串處無纓絡有時清風來顆顆成瓏錯 撒珠泉

一卷承流注皴透人稱快若遇米南宮定然先下拜 米堆石
突兀出霄漢閒雲相動盪山僧漫翦來諸佛頻供養 翦雲臺

暮過龍山庵

謝雍

寂寥野寺背南岡小艇當門渡夕陽坐久不知花落未蕭疎
綠竹暗僧房

於今漫說生生處一望空餘四面山落日柴扉風自掩盤桓
輸却老僧閒

陸公泉

謝開仁 邑人

予于溪山勝徘徊仰昔賢泉居廉讓畔人湖景咸前鳥入雲
中樹村迷竹外煙南樓初月上夜色畫橋邊

登青雲閣

謝開仁

高閣臨江渚新秋覽勝遊樵雲來遠嶂釣月帶寒流竹樹新
陰密樓臺舊跡畱有懷靈運句登此興悠悠

登南樓

鄒蔚光 邑人

憑欄眺望雨初收傑閣新成景象幽如畫閩山長供案抱城
綿水靜環樓雙橋夾岸虹光射三塔橫空爽氣浮何處旅鴻
鳴落日驚心又是故園秋

螺石山

鄒蔚光

瑞金縣志

卷十五 詩

六十九

此是吾鄉勝孤峯高插天避秦知有客鑿險定何年向晦聞

金鼓憑空架屋椽雲龍角奇特

雲龍山相
距不遠

朝暮靄風烟

贈紫雲山宗應道人

張朝選 邑人

神仙宮觀逼蒼冥紫翠峯巒列畫屏日射支機溪石皓露凝
琥珀嶺松青虎馴竈下司燒汞鶴立壇前聽誦經古洞鶯啼
春晝永白雲作絹寫黃庭

過南塔寺

張朝選

古寺經過天未曉殘星織月尙微明疎鐘喚醒遊人夢不滅
寒山夜半聲

謁王文成公祠

張朝選

坐鎮虔南屢駐師殷勤講學本良知卽今過化存神地蘋藻
年年拜古祠

興隆山晚眺次學博廖牧園先生韻

張德葵 邑人

一峯獨峙眾峯環勝日尋幽意自閒躡屐漫登千仞外置身
疑在白雲間烟霞變幻成今古星宿森羅豁笑顏鐘鼓催人
歸路晚蒼蒼暮靄起前灣

青蒼古木擁仙寰曲磴飛湍處處環竹嶺平分雲樹外綿泉
直瀉斗牛間萬家烟火橫空嶂一帶茅庵聳遠山巖邑久安
磐石固金湯永鎮作重關

瑞金縣志

卷十五 詩

七十

過綠漪園看晚菊有感

楊長縉 邑人

不隨凡艷競春陽
落落幽姿傲雪霜
籬下未簪居士帽
尊前誰挹令公香
銀蟾宵映星星白
玉露晨侵點點黃
格是與君同臭味
無人也自賞孤芳

龍門閣

楊方鸞 邑人

飛樓倚絕壁百尺俯晴波
木落秋聲壯江寒夕照多
蒼茫望不極澄澈思如何
未盡登臨興歸雅噪薜蘿

曾雷氏節孝詩

楊長縉 邑人

末俗波靡詎有涯
獨標奇節愧裙釵
珠投濁水光難掩
蓮出污泥色愈佳
自計此心無可轉
何知人世尙堪懷
汨羅孤憤

瑞金縣志

卷十五 詩

七十一

伯奇怨千古英靈義未乖

又

朱芾 邑人

自是皇天賦命殊
敢將戕虐怨君姑
淚痕潛制心如割
膚革傷殘志不渝
死重邱山明大義
生同草芥視微軀
出來浩氣終難泯
常作山河奠故都

按前詩四首從郭志小註錄出

補題危東柯詒穀堂詩集後

蔣方增

桓桓千尺松瘦骨獨修聳秋雲靄重林岫沓驚濤洶危子蒼
雪姿博聞擬張竦筆掃談談言學獨屹屹勇一卷東柯詩藻
采百泉煥逸情蕩游鱗竒思妙抽蛹楊謝兩詩人墓木惜已
拱此邦健者誰矯矯君接踵怨堂共鶴舫酬答絕繼冗憶昔
二三子磊落去昏懵鄭虔或疎狂李膺夙簡重吟嘯風雨來
遊眺巖壑擁君與共徘徊歲月忽倥傯離合二十年人事紛
總總君今餘白髮閉戶息羣動我來綿江遲猶識下帷董愧
知仲叔賢並少猪肝奉冷摩好先腹博君一笑捧

補山墅

劉忠愛

瑞金縣志

卷十五詩

七十二

羈縻小榭輒陰森萬頃鶩濤撼暮林何處秦碑經剝蝕幾回
禹穴夢探尋滿庭香草紀時序徹旦清蛙助短吟垂老已忘
身後事修閑曾易故園心

山居

劉忠愛

眼前世故但匆匆夾徑疎筇透朔風鉛槧襟期垂鐵硯江湖
豪興寄丹楓偶因強酒翻成癖枉號工詩已悞窮未便溪山
尋逸事放閑真愧老漁翁

占得茅莊宿霧屯一林光景易黃昏風翻寒蔞雲遮徑柳護
清溪水吼門積雪山頭幾夜雨亂籬坡下數家村可無丹鼎
貯仙藥偶把長鏡掘靈根

空囊何用累奚奴節物關懷獨老夫柿葉經秋寒更紫山禽
忍凍曉爭呼漫逢豪客吟水柱曾演歌辭擊唾壺瞥眼寒梅
春意動隔溪猶認舊時株

東禪閑咏

劉忠愛

閒情隨意寄蕭騷定息觀空興已陶春動筠庄晴賽綠寒欺
松嶼夜生濤屏除世態無過拙接引宗風盡是豪方外幽襟
歸老衲肯容疏豁醉鄰醪

歷盡春寒二月天春陰無計脫屯遭瞥逢野客雲粘屐久息
禪機石湧蓮滴博山頭明積雪摩訶池上咽危泉此中更有
逍遙訣重證南華第一篇

瑞金縣志

卷十五詩

七十三

瘦骨支離興尚濃老倉隨地放春容遊蜂曾釀波羅蜜濁酒
能澆塊磊胸最喜林霞翻夕錦偶迎樵唱答山鐘勞勞亭下
誰招隱詩社何妨此寄蹤

讀書蘭若春氣日佳頗具山林之適

劉忠愛

幽棲蘭若寄頑空消遣鶯花趣不窮林隙分香憑燕剪雲間
採藥御樵風病魔盡向狂時伏詩胆每於醉後雄放眼春期
春汗漫買山肯附舊禪東

攀緣無地了閒踪守定禪關一兩松古寺荒榛連霧割隣家
春粟借雲春溪調絃索海濤去山展丹青面面逢匡坐伊誰
當了悟敢憑書史問前宗

岍行石水灣

劉忠愛

岍艸何青青江路自迤邐沿路遶青蘿青蘿映中泚孤帆霧
中來剩鴨浮寒水危石灘聲中石瀨流瀾瀾紅樹亂葉飛颯
然秋色裡長歌出隴首曠埜寒無似平川十里灣清虛有如
此何以暢中懷津亭聊至止瞪目江秋暮煙靄垂墟里

春暮過密溪訪天目山人即贈

劉忠愛

春日佳無極春風及茲辰桃李何窈窕隔水杳莫親願言采
芳郁委宛窮溪津夔夔君子居遙在水雲濱褰衣厲江渚幽
草遠浮雲曲岍長紆望鳴禽暮追循俛仰極蒼茫百卉殊綦
綦美人喜我至携手松杉村彈我雲和瑟飲我太古尊大塊
瑞金縣志

卷十五 詩

七十四

煥文章茲焉得其真活活夕流美啾啾時鳥聞衆音會天籟
幽渺見昆崙沉吟思有問冥默已忘言

秋晚原上作

劉忠愛

秋原有高樹日夕繞墟烟野鳥盡歸飛野水復潺湲側身天
地內慙此好林泉曠懷在今古蒼然對遠山山氣晚相薄冥
冥接平原北風吹四野獨立生陰寒牛羊下山路樵牧出林
端涼月白浩浩吾亦踏歌還

春日同門士鄒明崖過螺峰書院喜晤鄒博崖先生是

日留飲院中賦詩寄贈

劉忠愛

野步迤春甸閭里結寒煙翹首盼螺峰蒼涼界遠山循行榛

水曲野渡小橋偏春風送我至佳氣滿林泉名山植古道樂
育想英賢坐此春風中桃李有餘妍蘇文邱階綠靜閣蔽幽
閑曠然念古人圖史日相關把袂豁胸懷清言道氣全北海
樽仍在盃歡得靜緣流雲無定渚握別記斜川好鳥隨我去
回首已蒼然

補祭田侯祠

楊家驛

城西南兮屋鱗比象湖環兮古流水水不橋兮浪滔滔嗟我
人兮厲揭勞田侯來兮顧之惻實鳩庀兮累礎石羣子來兮
倏成功橋蜿蜒兮雲之龍人無苦阻兮往朝來暮車摩踵接
兮不知有渡百貨阜兮四民安繫侯德兮思報難時有遙兮
瑞金縣志

卷十五 詩

七十五

澤無已思侯悠悠兮視茲水水泉潔兮歆予觴神佑嘉兮世
敢忘

黃田道中

楊家驛

筍輿深入亂雲中百折千盤一綫通客子苦聞行不得鷓鴣
聲裡雨濛濛

霧壑煙巒春渺茫仙源古木靄蒼蒼不知何處桃花落流出
紅泉滿澗香

風吹雨氣散空冥霽色嵐光蕩翠屏崖轉忽驚雲碓響瀑喧
石罅走雷霆

花缺空山露酒旗板橋茅店接疎籬一谿曲折隨高下如畫

人家住得奇

雲外雞聲落照斜牛羊歸徑各知家山行到處皆詩趣蝶趁
樵童擔上花

鴈湖舟次

楊家驛

溪南溪北雨浪浪好逐新流泛小航兩岸雲松隨櫓綠一層
水荇入蓬香欣聞春鳥勸沽酒正約山農來醉鄉待到灘頭
船泊處笑看村網恰登魴

酬家韻卿茂才本初見贈

楊家驛

君家清貧窘炊玉胸中欣有五車讀敝裘破屋風蕭然慷慨
長歌對花竹憶昨相過小朝川同來幾輩皆少年雕蟲數卷

瑞金縣志

卷十五詩

七十六

各爭擘豪氣鬱勃凌風烟日午開罇閣四敞神仙中人愜幽
賞酒酣促我揮焦桐亂壑泉流指尖響詠裘樓前斜照收罷
絃送別溪橋頭一日琢詩寄贈我有如明月非暗投晨窗展
卷光照座洗眼凝神讀幾過案頭陡覺與雲雷奇句驚人心
膽破鹿柴山人老奈何與世無補歎蹉跎灌花鋤月從所適
恒遶虎落窺芳窩籬菊開候掃三徑待君挈侶重相過蟬螿
新劈酒新漉花前同把金叵羅飲如揭龍吞海波千觴快意
方顏陀醉後續詩詩續酒醉時起舞醒時歌興酣我必攜琴
操更爲吾儕彈古調湘山高湘水深山樂水樂齊發音萬籟
蕭蕭風入林霜清月白澄幽陰寫我閑淡趣娛君曠達心斯

時琴酒詩債俱不負請君更作晚節黃花吟

秋日宿田家

楊家驊

山村秋氣清
蟬語亂蕭颯
籬花傲霜開
風香侵酒榼
流水循階除
閉雲度檐角
茅屋蘿爲簾
半遮黃葉薄
閭閻有溘風
耕鑿各安土
歲稔賽田神
時聞響蕭鼓
社飲叢祠散
疎林噪晚鴉
稚扶醉翁返
窄徑行欹斜
夕陽冷豁橋
牧笛喧煙野
人影護漁竿
白鷗如靜者
遠近邨炊白
蒼茫暝色橫
柴扉夜深閉
燃竹代燈明
罷吟酣欲眠
四壁蟲聲亂
一燈影蕭然
寒鴉忽催旦
我起鳥未鳴
開窗月銜嶺
欲辭田叟歸
跨馬出煙井

山行口號

鄒靖邑人

瑞金縣志

卷十五詩

七十七

秋懷澹無著
獨立晚山空
不見採樵子
夕陽霜葉紅

山邨

鄒靖邑人

山路不覺盡
桃花紅一邨
溪深停渴馬
路轉得柴門
問酒客尋店
騎牛翁抱孫
此中風景好
還憶武陵源

九日登平山

鄒靖邑人

我愛鄧熙畫
山色秋如粧
况乃遇佳節
與客攜壺觴
絕頂一長嘯
四山秋風涼
山靈弭寇亂
懷古增慨慷
放飲菊花酒
落帽形骸忘
頽垣臥衰衣
遺壘今就荒
同人問樵夫
指點得其詳
幽尋不辭遠
俯視已微茫
木葉下蕭蕭
晚煙生蒼蒼

清明詞

鄒靖邑人

紗窗曙影報新晴深巷誰人喚賣錫憶得踏青兒女節春風
吹老又清明

荒園斜挂畫秋千冷節光陰異昔年晝永簾垂春寂寂子規
啼破綠楊烟

平原十里鎖烟蕪日麗清風鳥自呼惱殺山村帘影杳隔林
何處喚提壺

游人策馬駐江頭爲惜餘芳汗漫遊綠水半篙花兩岸中央
容個小漁舟

春日登城

鄒靖邑人

城頭啼鳥隔花鳴城外遊人傍水行遙認孤舟何處去柳塘

瑞金縣志

卷十五詩

七十八

烟重不分明

陪劉木庵夫子夜話兼酬見懷之作

曾從問字拜先生華髮蕭蕭雪已盈塊壘胸中澆酒國輪囷
筆底破詩城英雄歷盡生前苦志士難忘死後名絳帳著書
人已老問誰堪比鄭康成

故園煙景總依稀筆硯生涯剩釣磯池上蛟龍皆倏化林間
燕雀亦高飛詩書世澤貧猶守蕉鹿功名夢已非雨夜聞雞
曾起舞摩挲短劍壯心違

杳無芳訊到雲林空谷楚然喜足音萍梗因依驚別久文章
投贈見情深縱教一夜西窗話難慰三秋舊用心誰抱瑤琴

彈古調江波浩浩豁離襟

環秀園讌集懷水庵劉夫子

柴門雖設亦常扃少長相逢讌小庭瘦骨苦吟思杜老啣盃
渴飲笑劉伶驚聞谷鳥林間轉瞥見螺峰雨後青豪興淋漓
真足羨憑誰作記接蘭亭

曾從花底訪啼鶻猛覺登樓聽暮蟬勝會如雲常易散良朋
似月劇難圓蕉窗消夏逢今雨竹榻論文感昔年剩欲風前
書一紙含情遙寄謝臨川

浮波渡

楊元愷邑人

畫圖忽展水雲鄉艇外煙波正渺茫近岸小祠巢燕雀沿堤

瑞金縣志

卷十五詩

七十九

芳草卧牛羊嵐開日照龍珠塔沙暗風來竹馬岡流水桃花
春又暖仙源重欲問漁郎

陳石山

昔年循徑幾登攀尙憶留題古刹間千丈崖泉醒客夢萬株
松蔭護禪關巖前鐘鼓空朝暮洞裏龍蛇自往還羅漢有身
堪證否欲蠲塵障坐空山

過龍珠寺

閑來獨步大江邊秋草萋萋蟋蟀天蕪沒荒祠難辨界蘚縈
殘碣不知年浮圖依舊凌千仞赤水如今重六賢安得數椽
依古佛靜中養得慧珠圓

仲夏初旬登銅鉢山宿鍾生書館留題知縣孫長慶蓬萊人

銅鉢稱名勝蒼蒼聳太清我來苦炎熱此境極高明樵響穿雲出茶香過雨生半規涼月近一覽眾山平鎮武神靈蹟斯文諷詠聲藏修有佳士奇氣接金精

宿埠頭墟曉發

陳芳邑人

竟夕不成寐促裝燈倚明日猶遲客出風早趁人行莽莽樹無影泠泠泉有聲幾人田舍裏高枕未曾驚

甲寅元夜

陳芳邑人

椒酒纔飛月下觥感時撫髀不勝情華年士女笙歌夜多難關河鼓角聲專闔早傳天策將渡江未掃錦帆兵武襄張宴功何似一夕燈光萬古明

瑞金縣志

卷十五詩

八十

登銅鉢山

崛起東南閩嶠連陰陽呼吸盪雲烟徑無可捷誰求宦山自能名不仗仙清澗一泓龍井水高撐半壁象湖天真形助現圖澄鉢朶朶峰青朶朶蓮

樽酒烟蘿恣騁游一舒狂嘯最高頭虹霓截雨巖阿晚鷓鴣盤風木末秋跂石縱觀憑俛仰飄蓬舊跡誤沈浮後來好躡飛行鳥更上神山闕九州

初入志局與楊韻卿話舊賦贈

豪宕才人志未酬
紉蘭纓蕙舊風流
牙絃真賞貧中少
腹笥

陳編亂後留講學馬融仍設帳僑居王粲幾登樓夜寒重話
西窗雨一穗燈前兩白頭

贈危心珪

梅鶴清標玉屑言知名州角老衡門赤眉競擾青氈失元鬢
潛凋綵筆存金石歌聲原憲樂文章生計長卿尊相逢無恙
重相慰莫話升沉負酒樽

輓烈婦賴氏

鄰明經儀士之妻戊午寇至殉節投崖

野哭聲高白晝陰倉皇人鬼厄田禽禮宗有志輝彤管烈性
全真謝藁砧崖石多斑凝恨血溪潭一碧照貞心

覃恩優卹歸祠事鵲泣何須繞暮岑

瑞金縣志

卷十五詩

八十一

山居元旦試筆

峰頭一朵彤雲來照我山莊蓬戶開桃符隨俗一更舊雷轟
爆竹懽童孩與來我亦心融融太瘦吟身矍鑠翁筆花未退
江郎豔杖履差殊原憲窮只今初度年五十輪蹄久削林居
寂思訪赤松何處逢復爲馮婦已無力惟當行樂且因時鬢
霜髭雪渾不知飲向室人索蕉葉歌同田父賡竹枝君不見
松檜困輪老巖岫菁華藏斂枝柯茂又不見翛然野鶴共雲
閒啄息林皋千歲壽初日瞳矐萬象新大塊文章方假人慙
無繪日書雲大手筆聊就山中狂吟天地春

夏日鍾君玉方邀往小輞川別墅家鹿柴先生留飲因

得徧讀游是齋詩集席後有作

楊本初邑人

綿江騷壇之盟主鹿柴先生張旗鼓驚雷貫耳十餘年藩籬
未窺况堂廡今年長夏小雨晴同人招我沙岸行右丞之居
隔雲水欵戶先聞松竹聲階前瞥見成一笑高談未領神先
傾手出一編示我讀座中頃刻風霆生初讀如刮膜竒花萬
狀紛紛落想見當年如意指揮時游戲天仙無住著再讀如
御風鞭笞鸞鳳凌長空十洲三島彈指現下視黃河西來倒
走東海中近來一境愈宏大毫鋒欲到乾坤外但使衆生有
情皆點頭不分天籟地籟與人籟太白誠齋丹篆遺被公奪
去可憐太枯腸得此芒角森酒龍忽瀉痕滿襟人間至樂盡

瑞金縣志

卷十五詩

八十二

收矣不知天地何處有塵侵酒酣忽出絲桐響四座低垂發
深想瀟湘水急風颼颼數聲雁落蒼烟愁驚沙不定蘆花舞
蕭然透出萬重秋秋心漸寂幽情起漁人樵客相爾汝一絃
一語和且平曲終音止意不止是時江峰擁髻螺斜陽明滅
搖輕波琴心詩意渾難辨欲將真諦參維摩公言小恙持酒
戒未能乘興發清快我道菊花時節新蟹黃重來共舉葛巾
之漉三千觴啣杯高歌彈清商坐令小榻川中主客詩債酒
債一齋償

羅漢巖

鄒仁翬邑人

逼真羅漢降人寰寂寂跏趺坐碧山最是莊嚴尊者相非徒

深秀蔚然顏伴離五百來何日界闕三千駐此間勝地好參
清淨果紅塵飛不到重關

試劍石

英雄意氣自昂藏試劍名山蹟未荒斫破雲根分上下劃開
石骨露青蒼誠心畢注堅能闢利器方須銳莫當萬仞懸崖
含紫氣至今神力話真王

八音澗

誰譜鈞天宣八風元音流溢澗西東清泠瀨水宮商叶斷續
巖泉戛拊同魚戲汀花相樂處鳥歌崖樹克諧中移情豈必
經滄海此出牙絃擬未工

瑞金縣志

卷十五 詩

八十三

撒珠泉

牟尼一串認模糊瀉磴清泉亂撒珠幾道斜飛疎間密半空
紛擲有疑無圓波折到輝竒境別浦還來媚勝區好攬源頭
高處立天風吹唾落崖俱

過南塔寺

危傳中 邑人

招邀半世惟山水自笑能空法眼曾鎮日相看人是佛前身
誰道我非僧漫將潦草泰黃蘗細數閑花落紫藤坐久虛堂
疎磬寂一鉤新月挂窗棧

秋霽登景雲山

特地孤峰起遙天霽色開層巒排闥秀遠水抱村來竹徑飄

紅葉松窗翳綠苔夕陽疎磬寂搔首重徘徊

雨後過友人田舍

平野明殘霽幽居隔水濱晚風蕉葉語時雨豆苗新逸興臨
花譜狂歌漉葛巾林泉如許伴招隱日相親

設館山泉口秋日遣懷

江村風雨菊花初晚霽涼生枕簟虛無半點塵飛到處有三
分月伴吟餘雲山夢覺蕉隍鹿烟水深笠澤漁咫尺天涯
歎飄泊故園秋色尙吾廬

自會昌歸宿旋龍墟

小市暫勾留經年慨遠遊新涼孤枕夜旅夢亂山秋寒犬聲

瑞金縣志

卷十五 詩

八十四

如豹歸颿影伴鷗家鄉知漸近楓荻響颼颼

齋居晚霽

新涼漉酒喜花俱醉卧花陰欲倩扶竹徑雨歸霞散綺荷池
風定露搖珠忘機我笑知魚樂問字庭閒忽鯉趨檢點殘篇
詩一卷苦吟撚斷幾莖鬚

過麻地墟

溪曲偏逢市山坳忽幾家趨墟人散早初地酒難賒俗尙應
餘樸鄉音漸覺差故園知不遠三徑菊曾華

邦坑

山轉疑無路溪迴忽有村茅茨依竹嶼花柳小桃源地僻囂

塵遠人知古道存不知烽燧警蓑笠滿郊原

宿萬田墟

宿鳥歸飛急征驂喜漸停鶴汀秋水靜魚市晚風腥酒幔樓
三面江村火一星家山回首處隔嶺暮雲青

夜過邱醜元書齋

爲訪幽栖處行吟度石梁溪聲驚雨驟夜氣襲衣涼花驪露
光濕月斜人影長到門情話洽新茗試旗槍

過天門嶼

險絕何年闢蒼茫遠翠迷風篩寒瀑碎雲壓亂峰低接葉飛
松鼠呼晴叫竹雞蹇驢斜照外煙靄小亭西

瑞金縣志

卷十五 詩

八十五

半隅齋秋夜感懷

日九天無雲夜氣何蒼蒼移榻傍幽沼荷風巾袂香仰卧看
斗牛紫氣森寒芒山深月未上螢火爭流光靜言觀世態杯
酒還自觴

甲戌雪夜感賦

入夜朔風勁大雪飛滿城紛紛墮檐砌寂聽渾無聲長空盪
寒色遠樹烏鵲鳴團屋凍雲黑晃帷虛白生修竹滴清響戛
玉時琤琤擁衾怯如蛹腰曲沈夢驚孤燈冷無燄一穗搖短
檠喔喔隣雞唱街柝忽四更起坐推紙窗未曉山已明乃知
造物公不慣趨煖情天心厭崎嶇世路填悉平念此一長嘯

暗香梅影橫

過十里茅岡有感

鍾 庚邑人

白茅蕭瑟滿平岡
秋晚重過舊戰場
欲弔忠魂何處是
寒煙一抹鎖斜陽

書生白面那知兵
投筆從戎性命輕
回首蜈蚣山下路
未忘馬草剩殘生

銅鉢山

上游高據贛江東
大地煙霞俯瞰中
縣水滌澗環帶碧
筆峰卓犖繪雲紅
林巒霧裏藏元豹
澗壑晴時飲彩虹
我向層巔掇仙草
幾回長嘯欲乘風

瑞金縣志

卷十五 詩

八十六

登銅鉢山

鍾瑞元 邑人

峻嶒山勢簇高寒
華表虔東佳氣盤
觸石雲連闔嶠白
建標霞映象湖丹
一登皆小客
懷曠四望無遮天
界寬此地合鍾
文物盛巨靈
豎筆作峰巒

贈楊韻卿明經

陳家瑤 邑人

竟作詩人老
寥寥正始音
水雲心共活
淵海學何深
鋒斂看長斂
絃孤問素琴
先生千古在
詎必較升沈
窮冬寒氣慄
喜見魯靈光
朔雪行人少
孤燈夜話長
傳人多白屋
世業在青箱
莫漫傷遲莫
梅花有古香

山居漫興

陳亦新 邑人

山椒村落綠雲團容膝吾廬暑易安四壁祇懸書畫蒲人來
強作世家看

春寒十日閉門居白晝焚香讀漢書問字喜叨庭訓悉爲防
貽笑改根車

種花親闢地三弓泥染衣裙蘸暈紅戲語布袍忽宮錦雛孫
趨看笑籬東

鳩鶯紛飛梧竹梢林邊客過漫輕嘲深山不起圖南翮客有
棲禽采九苞

孟冬觀鄉人賽社演劇

陳愈新邑人

拂拂梅風韻管絃歌場聲澈嶺雲邊里人一種熙春象猶是

瑞金縣志

卷十五詩

八十七

邠民飲蜡年

山莊新春口占

陳衍新邑人

小築樓軒佈置餘朝川風景鹿門居柴關乍闢初暇入好養
盆花便曬書

東風吹暖鳥呼晴春到林巒萬景明却笑白雲真懶甚層巖
晝卧枕松聲

日斜巖壑起層陰修竹浮煙接茂林半畝衡廬山曲裏行人
遙見翠霞深

前通酒市後花村一路羊腸繞過門燈夜客歸談笑近月明
有犬吠籬根

家塾登樓曉望

楊元勳 邑人

雀聲嘖嘖噪墻東睡起登樓日已紅
極浦帆行春色裏沿坡樹藹曉光中
嘯歌盪散隄邊霧咳唾飛隨天半風
意氣何妨高百尺憑欄顧盼自豪雄

半隅山齋期友人不至

危 雍邑人

朝雨喜新霽停雲望碧虛
秋聲涼在樹午夢倦拋書
竹簟清殘暑蕉窗慨索居
孤琴蘿徑月搔首獨踟躕

雨後過麻子埭

溪明飲斷虹山迴霽殘雨
回頭雲翠深莫辨來時路
隱雷鳴澗泉返照翻栖鷓
一鳥呼晚晴隔林泥滑滑

瑞金縣志

卷十五 詩

八十八

峯迴路忽轉斜抱亭翼然
白雲懶于人低伴松鶴眠

東城晚眺

危 濟邑人

寒林風葉響清淒蟬曳殘聲
夕照低何處輕舟疎柳外
載將秋色板橋西

春日過綠漪園

東風荏苒意條然得得尋幽
小兩天花半面開紅泥露柳
全身躡綠垂烟穿階野竹爭
抽笋出水新荷亂疊錢如此
林園多勝概漫將雅興數平泉

過半山訪楊韻卿

鍾道琛 邑人

雲牖泉階境本清逢君便起唱
酬情菜根味永兼書味竹葉

聲多半兩聲白眼紅塵憐處士青年絳帳羨先生坐談未已
天將暮歸理冰絃聊自鳴

和鍾玉方過半山遇雨見贈原韻

楊本初邑人

蕭齋分得數弓清可意人來倍有情泥雪十年添瓜印風篁
五月透秋聲癖耽佳句愁難破悶繫遙情病爲生語罷送君
煙雨裡掩關爭奈夜泉鳴

登陳石山絕頂

劉德全邑人

重山萬壑勢岿圖畫天開四望遙招手白雲穿碧嶂舉頭
紅日麗丹霄風泉飛灑晴兼雨烟樹蒼茫暮復朝五岳卧游
曾記得疏鐘催我度溪橋

瑞金縣志

卷十五 詩

八十九

登南樓

萬堞俯洞瀾江城眼界寬市聲喧隔岸帆影上層灘橋亘殘
虹卧煙飛野鶴盤平原花柳外高詠獨憑欄

讀陳花尉制藝

楊本初

吾家維節公高文發奧旨比肩陳羅間海內稱正軌

國朝

多英傑遺集光桑梓近來競時趨枵腹效綺靡勃興得陳君

茹古求其是毫尖銳無匹深入洞表裏樸淡藏新奇揉拗出
甘美有時揚巨刃去天纔尺咫又如掣海鯨迴風湧瀾紫及
作雅正音宮商協琴理要皆言有根成速如翻水憶君弱冠
時香豔花滿紙那知老愈進融渾淨渣滓水仙能移情識曲

定歡喜老夫髦無能披讀穎有泚爲是針芥投無分我與爾
每逢微妙處參透輒拊髀置之虛室中萬丈光應起

竹園嶺避雨口占

雲在山之南人在山之北山鳥隔林呼哥哥行不得

舟行武陽玩月

風捲江心煙上樹舟人軋軋鳴雙櫓前山一道白光來月波
雲浪相吞吐須臾飛出青天高現出瓊宮千萬戶江流無影
但有聲兩岸蘆花爭起舞此時空宇無纖塵征雁一聲橫遠
浦我方讀罷青蓮詩偶讓篙工快先睹迴眸忽見月當頭腋
下清風生兩羽可惜未披宮錦袍舉杯邀月吟天姥又無鐵

瑞金縣志

卷十五 詩

九十

笛裂孤雲驚起馮夷來擊鼓癡情引領問嫦娥衆仙誰詠霓
裳譜廣寒丹桂幾萬年可曾斫却吳剛斧問之不答仙露寒
捧出鏡匳窺媚嫵因思明月是前身小別年華勞細數青女
忽來逞嬋娟生憎不寐吟詩苦更邀巽二作巖威漸覺山肩
難撐拄我亦生平知足人今宵餘樂明宵補

密溪山館出遊

庭前花木長出戶且閑行曲岸忘溪遠深山怯路生雲來松
鼠竄雨歇竹鷄鳴偶遇荷鋤叟相邀酌巨觥

默堂卽事

楊家壽邑人

雅擅林泉勝春風雨乍停到門秧水綠梯檻柳煙青蝶影穿

花靜田歌隔院聽偶然隣叟至談笑步閒庭

酬陳子唐農部見贈

楊本初邑人

江城雪霽梅花開神仙中人天上來階前一笑挽雲轡咫尺
欣得相追陪憶昔君年方舞勺出語已使老成却觀光連受
鉅公知拔萃遂起凌霄鶚策馬都門衆眼驚通才裴楷早知
名舌自生花桃杏俗筆能驅嶽岱衡輕

殿廷語製金華麗農部班傳玉筍清乞假省親返桑梓翩然衣
繡真畫行老夫同邑不同里嶺樹江雲望頻企去歲省垣曾
一見匆匆未得傾誠便一朝風雨合羅浮前是神交今面謀
久住始知針芥投性情文字相綢繆深宵對坐燭光紅君言

瑞金縣志

卷十五 詩

又九十

湧泉源不窮真諦可參諸佛妙高談欲壓萬夫雄論及詩歌
尤卓識規摹盛唐戒虛飾威鳳藻耀翔自高神龍盤拏變無
極贈我霞箋八十字古意古音兼古色感君慰勸更褒揚塵
匣拂鏡生輝光蠶緒纏綿今不盡魚書珍重後毋忘君年方
富我已老君才方瞻我未槁送君此去旋周鑄皋夔簫管擊
壤歌同詠

昇平傳遠道

同友人登烏仙山

楊道崙邑人

遙望南屏蒼翠攢同遊挈榼客心歡林間路覓千盤上雲外
山供四面看大野煙霞浮曠邈層崖松檜聳高寒日斜古廟

鐘聲動催就新詩寫石壇

羅漢巖題壁

楊衍春 邑人

幽壑深林詰曲行疑無路處忽橋橫磴緣蘿石通奇境崖瀉
珠泉應梵聲僧老爲誰煨芋熟身閒得此品茶清新詩吟就
晚鐘動翹首遠空初月明

烏華山館留題家蔚新茂才齋壁

楊成晉 邑人

萬樹綠圍屋數峯青到門故人方習靜名理欲重論鶴勢盤
空宇樵歌動遠村夜深山月上清興更開罇

秋日同友人遊銅鉢山

楊泰環 邑人

層巒蒼翠聳高秋恰趁晴天結伴遊一路紅塵都掃盡只隨

瑞金縣志

卷十五 詩

九十一

雲氣到山頭

風送飛泉灑樹顛攀躋漸近佛堂前臨崖一覽羣山小更上
孤峯欲問天

禪房老衲出相迎山茗分嘗氣味清欲問三生誰慧業蒲團
借坐証前盟

遠近溪山一望中都將襟袖挾剛風日斜歸去逢人說欲摘
星辰有路通

雙清橋

城東古渡號雙清跨水橋成步不驚兩岸人家依樹密一江
煙景帶波明堤邊絮起隨風舞亭外花飛逐客行剛詠彩虹

思和客春風忽送棹歌聲

夏坊家塾卽事

楊會蔚 邑人

曉起檐前日影紅樓臺四面映玲瓏天風有意傳吟詠吹到
山光水色中

瀾罷旗槍一事無韭花古帖細臨摹倦來閑步循苔徑古木
陰中聽鶉姑

屋角方塘洗硯頻浮萍開處見游鱗爲他樂意關濠濮相與
忘機卷釣綸

却從門外望川原半是漁村半稻村彷彿右丞詩裏畫桃花
沿岸柳遮門

瑞金縣志

卷十五 詩

又九十一

欸乃聲傳赤水遙晚霞天半未全銷榕陰古廟鐘聲動無數
輕舟泊板橋

幽居有客夜相過掬水攀花勝事多最是月明風細後江邊
猶有竹枝歌

登毓秀臺

劉克選 邑人

遙矚層臺峻登臨興倍豪煙光隨野迥山勢接天高鶴峇檐
前語松生檻外濤何當重九至吟眺酌葡萄

方外詩附

黃山

采若

峯各峭露石爭剝蝕松漸寒濤晴雨罔測
星月砌戶煙霞日醺猿鳥遊伴衣履白雲
是霧橫吹是嶺汨沒浪湧煙鋪瞬目溟渤
空山落葉雲鼓風行鍊餘丹室吹彼長生

獲新茶就澗泉烹啜

采若

僦居巖壑間身口亦為累瓢笠頗翛然饑心仍告餒木石追
古人種茶入蒼翠冒濕尚煙鉏此心不敢恚懸思待嶽崎舒
卷欲純粹防老棄枝葉得穎頻索吹操作理幽光逸性識榮
瘁念此三月勞一日圖暢意提攜就冽泉活火激相試松聲
鬱氣浮未傾心已醉况值坐春林雜花香暗萃多慙老趙州
使世辨同異真賞在清孤庶或解余愧

題謝怡古連峯樓集

采若

人眼妄分別靜思趨步難落筆聽機候片字非苟安淡致益
宏博簡畧見波瀾性情著高潔誰許妄躋攀出入禪心力助
次復更端一室不盈畝乃覺千古寬旁人應不辨漫指郊島
寒

秋雨次楊惟明居士韻

采若

木落知秋老階蛩語乍新雨偏摧敗菊月不照幽人倚檻懷

衣薄看山歸計真旅情非阮籍何事淚沾巾

曉起怡雲室

采若

醒眼分宵且羣情觸曉天霧深迷鳥道夢覺冷炊煙入定霜
銷後孤懷漏斷前寒花偏有黛搖曳小窗邊

晚登鬱嵐峯

采若

由來山水癖自不厭登臨忽到驚奇險回看識淺深鳥隨揮
塵落杖帶夕陽沈俯眺寒煙重疎鐘出晚林

送芝穎

采若

春入閒同坐人歸春亦歸殘花餘砌煖流水送聲微別豈驚
離歎去應忘是非孤蹤深料理各自掩寒扉

瑞金縣志

卷五

詩

九十三

山寺

采若

積霧浮青嶂疎籬石逕通樓空雲影外山靜水聲中花濺三
春雨人來千里風鉏頭真活計碌碌幾能同

破硯

采若

攻苦非干祿磨穿嘆過勞眼光畱案久心力逐年銷不揣燈
花落真隨屋瓦飄最憐寒客淚滴滴濺中宵

贈友

采若

何意亂離能款我三時粥飯坐柴門文章夙習矜前輩交誼
通家及後昆晚徑有風吹葉滿秋深無語落花繁雖知聚散
渾如夢纔說離情亦黯魂

秋日遊耦雲

通 柚

散步江城外橋通野色分蟬聲猶在樹雁字正書雲泉入池
痕細風吹木葉紛淪茶成久坐不覺到斜曛

翠峯訪聲公

源 江

朝霞未散亂峯迴爲訪禪宗特地來松室坐深聞子落藤陰
定覺報花開飯香初薦纖纖筍茶熟頻斟艷艷杯打到鐘殘
山色暮月光澄澈上方臺

已卯初春隨侍邑侯蔣淥初先生深隴探梅回寺小集

分體得五排十韻

書 亮

淑氣透蒼苔寒梅爛漫開板輿臨隴畔竹馬徧山隈政簡公

瑞金縣志

卷十五 詩

九十四

多暇心清氣自恢松間身意曠花外頌聲來石壓千林瘦松
敲半面栽咏真超處士種合自瑤臺風日弄香雪歡欣到綠
醅他年調鼎鼎此日樂尊壘一曲歌金縷三春破玉胎遠公
何敢望擊鉢爲詩催

賦

月圓巖賦

劉元著 邑人

湘江之北綿水之西有峯聳特羣嶺環之石巉巉而欲墜逕
 曲曲而逶迤左窺龍澗石接龜溪巖穴存高士之蹤峭壁隱
 騷客之題有宋天聖御墨淋漓賜號月圓珠燦星輝憶皇恩
 之寵賁緬高尙之風規氣煥寒之候易景朝夕其咸宜洵地
 以人勝而名共山齊者也若夫晴光徧射曙色分明香馥馥
 而巖花飲露聲啾啾而溪柳啼鶯烟抹千峯之翠雲生列岫
 之英沙鷗翔集于遠浦錦鱗游泳于前汀觀喬木之陰森無
 異春濃渭北映丹巖之翕葩恍如霞起赤城固足以蠟阮孚
 之屐而牽謝客之情爾其人影散亂日色曦微樵歌與澗水
 相蒼落霞與倦鳥同飛裊裊兮藤蘿倒挂漠漠兮烟霧低迷
 寒光滿谷暮色侵衣月落澄潭依稀龍女臨粧鏡星垂碧澗
 彷彿鮫婦泣遺璣惟夜景之流連更心曠而神怡 著 生僻壤
 聞見拘墟夢遊五嶽難追太史之駕遙望三山空迴墨翟之
 車惟茲巖之地近嘗登眺而躊躇思形容于擬議覺目駭而
 心瞿恐挂一而漏萬且返精而得麤恭承下採用備蕘芻僅
 畧識其梗概敢云已得其大都哉

雲龍橋賦 有序

劉漢遷 邑人

按綿貢二水會邑城外其西南為閩粵孔道宋元以前皆

構木爲橋號綿福至明中葉始易以石改名雲龍其甃瑯作墩關鎖眾流實增瑞邑形勝非特民不病涉而已後爲洪水所圯邑人于墩上駕鵲巢中通行人兩旁造店收息以備修理然時修時圯江面漸闊而墩甃亦漸增焉至

國朝康熙間因木朽而復改石梁作亭其中以供遊覽至丙戌水災衝壞過半仍架鵲巢造店收息而百貨雲集往來熙攘乾隆癸亥不戒于火橋店悉爲灰燼邑侯唐公與邑紳士鑿其覆轍捐金倡議復建石橋以圖久遠功雖因前而鞏固完美實遠過之乙丑邑侯邱公蒞瑞伊始適值斯橋落成謂環橋遠邇諸景畢集爲邑巨觀遂以此命題觀風瑞金縣志

卷十五 賦

九十六

予不揣回陋援筆賦此其辭曰

維

聖王之敷政務治具之畢張恒厪念乎關津每修理乎橋梁故昇仙爭勝于巴蜀天津擅名于洛陽朱雀野花似錦蘆溝夜月如霜集車書於一統獻拱球于遐方極梯山而航海萃萬國之冠裳粵稽我瑞卽古象湖章貢屬邑閩廣通衢商旅輻輳冠蓋紛如千山環峙萬壑爭趨貢水來自東偏綿源出于北隅二川合流于城外兮勢屈曲而盤紆一值霖雨而水溢兮羌暴漲之堪虞狂瀾千疊兮固洶湧而難挽洪波萬頃兮更浩蕩而莫除行人臨流而病涉當事望洋而長吁乘輿不能

以盡濟厲揭又恐其淪胥吾聞宋元以往造舟爲橋木易朽
壞莫克堅牢以石易木肇自勝朝鼎新革故功德不祧綿福
之舊號遂改雲龍之嘉名聿昭自後時修而時圯往往繼長
而增高或甃石以作甕牖或架木而成鵲巢或列肆而通交
易或結亭以備遊遨貨積如山每聚水陸之產人歸如市恆
多金石之交晝則鞞擊肩摩絡繹而不絕夜則張燈燃蠟照
耀以通宵物旣極則必反數前定而莫逃爾因祝融之爲殃
遂至一炬如燎毛欣逢唐侯仁愛以及首事賢豪鑒前車之
覆轍圖永逸于一勞石鱗疊而櫛比無罅隙之可撓旣堅厚
而鞏固自莫定乎波濤第四時之節候遞變而橋畔之景色

瑞金縣志

卷十五

賦

九十七

堪描當夫三陽啟泰萬象維新和風乍轉靈雨將零梅探深
隴千樹之奇葩競放春迎東郭雙清之淑氣宜人覩錦浪之
層層放生池中魚欲躍觀玉筍之簇簇綠漪園裏竹成林矧
汀蘭與岸芷更郁郁而青青逮乎四月維夏六月徂暑池荷
翻風螽斯動股歌臺演劇聲震鰲極之樓酒肆嘉賓歡騰金
航之浦白鷺飲啄于羅溪沙鷗翔集于江澣龍山擁翠於雲
端陳石流清于夏五旣而金風滌暑玉露零空稻重實粟菊
綻芳叢夾岸蘆花與霜鬢而爭白滿江楓葉偕丹心而俱紅
近挹毓秀之臺允襟綿江如一帶翹瞻筆架之峻幾凌霄漢
之九重至若塞向墮戶氣冽風寒滌場入室歲晚務閒坐繞

紅爐遑問危橋霜滿樽開柏酒幾忘雪擁欄干或烹羊而魚
羔共獻公堂之祝或祈年而報賽咸趨社稷之壇野老負暄
歌舜日羣黎飲蜡樂堯天此皆綿江之勝概抑亦雲龍之巨
觀而况凌雲橋邊歌傳流鶯百轉龍珠塔畔舞饒弱柳千條
門號朝陽方幸秋陽可暴亭名拱日更欣冬日非遙其高出
層樓兮如玉虹之垂于天半其橫鎖江面兮若蒼龍之降乎
九霄其蕩平正直兮羨周道之如砥其障川迴瀾兮快萬派
之來朝普利濟于遠邇兮可車馳而馬驟致士民之富庶兮
俾物阜而財饒壯山川之形勢兮氣葱葱而鬱鬱蔚人文於
學校兮將起鳳而騰蛟

瑞金縣志

卷十五 賦

九十八

蔣志所增

金鵲橋賦

湯 誥 邑人

象湖古鎮設監惟金仙航啟瑞建邑以臨叢山蜿蜒乎竹嶺
蹊澗詰曲乎桃林地僻人稀恆守梓材之樸民勞土瘠常存
蟋蟀之心虹梁一水雲錦千層飛流濺沫宿莽翳陰行兌闕
汀之隩濫觴梁野之岑原夫眾壑奔流于胥斯鑰彼阻夷行
乃立此約幾年幾世竟忘陵谷之遷屢廢屢興亦等滄桑之
託甲申降澇馮夷肆虐雁翅以崩虹堤如削行人洗足而趨
趨過客褰裳而錯愕羌病涉之堪憂爰鳩工而改作詢謀僉
同雨暘時若昔致歎于歧羊茲易名于金鵲若夫垂虹萊島

鞭石員嶠霸水綠楊載別離之風雨蘆溝曉月馳都會之瓊
瑤國士酬知豫讓懷鉅鹿之刃孺子可教張良垂下邳之腰
折坂豈忠臣之所畏胯下實志士之無聊鶴筆披王恭名著
千秋之久卹筒別費禕人行萬里之遙雁陂之拾唯陸虎溪
之笑以陶水溢藍津株守尾生之信樂聞青峒驀來仙女之
嬌一枕醉鄉少游宿海棠之館數聲春曉東坡吟綠柳之寮
采叢山頭右軍畫扇昇仙柱上司馬題橋濟川之信可孚鱷
埋輪之怨在除臬赤欄之雪花六出蘭津之鐵索千條漱玉
灘頭潁濱擲金錢以助役澹臺湖畔仲舒捐寶帶以畱標誓
水之碑莫毀苧溪之石難搖凡此皆通筏于孔道而非等瓚

瑞金縣志

卷十五

賦

九十九

石於山椒牧人乃夢河水瀾瀾鰲背行空白石齒齒足旣跛
而能趨目雖眇而堪視啟櫝立其莛筭維龜正其張哆五丁
鑿乎巉巖三犀屹乎中泚事可卜其有終情實艱於創始率
作以興曷云其已君子急病而讓夷是謂先否而後喜於是
人從若鶩眾志如城爰咨爰度以經以營伐木遙聞於邪許
砌石咸賴乎揅撐途弛其負野輟其耕閩商分其白鏹海賈
出其奇贏彩分夢筆之客光聯棄繻之生填三秋之精衛鳴
四度之倉庚佇周道之如砥胥掉臂而游行雖端藉乎人力
實仰賴乎天成爾其竹嶺之阿景行可仰桃陽之咳鴻規宏
敞直剡剡其若繩平坦坦其如掌峯迴路闢旣心曠而神怡

霧霽晴開復畢望而遠想任駿馬之奔馳決羝羊之壯往胥
致慶於地平無載咏於河廣亦有刈蘭澗底采芝巖隈擬閑
居之麗賦揆招隱之鴻裁悲秋折灞陵之柳感春寄庾嶺之
梅窺明珠而探驪龍之領澤毛羽而含紫豹之胎伐柯看二
叟之橘荷鋤種奕葉之槐漆園淋浹旬之雨滄江響十月之
雷率西澣之有岸儼南浦之有臺不索達摩之葦奚勞蘭若
之杯河上仙翁企瑤池而西望關門令尹識紫氣之東來矧
夫浩劫初通曠世一遇蕞爾山陬夷然皇路柴門無犬吠何
憂伏莽之戎曲徑盡花輝勿慮夜行之露月落驚茅店之雞
霜寒冷秋江之鷺崎嶇卽次夜耿耿其向晨雨雪載塗歲忽

瑞金縣志

卷五

賦

忽其將暮越疆而馳羽檄蕭蕭班馬之停載贊而懷簡書燦
燦星軺之駐催九月之寒砧憶十年之征戍嘆興望洋疑懷
猶豫一杖化羅遠之梯雙鳧墮王喬之屣或命巾車或乘筆
路爰釣雪以樵雪時追禽而逐兔爭濯足於清泉暫息肩於
嘉樹旗亭遇渙將傾蓋而談心萍水逢程亦班荆而道故儼
靈蛟之躍淵似神龍之飛渡泮渙奚假乎招舟濟涉誰懸其
苦瓠大率方軌而長驅夫豈捷徑以窘步至若丹臺阮肇聞
院萼華采藥來谷仙婚其家肴維烹乎麟脯飯實煮以胡麻
方朔之桃似雪安期之棗如瓜攬袂送桃花之岸執手浮銀
漢之槎解湘佩以無言過壚乞文君之酒懷瓊漿之若渴望

梅思陸羽之茶其室則邇彼美云遐復問前津迷失武陵之
舫重申舊約杳無桃洞之娃將委心而返旆旋中路而迴車
倚檻低徊悵河堤之檉楮憑欄登眺仰金井之蝦蟆對幽禽
于汀渚溯秋水于蒹葭是故絕水爲梁移石易木架鼉鼉于
山溪偃虬龍於旱麓貞惟取乎原筮吉無煩於枚卜天璇其
璣地轉其軸中正以通令終有俶履虎尾以開泰母撻墉而
索塗良鴻羽而漸達寧破犁而脫輻旣成厥功宜綏後祿燕
喜啣朱雀之花鷺飛貽器車之穀祥光黻黷將霞蔚而雲蒸
佳氣葱蘢旋靈鍾而秀毓長堤鞏固過洛陽而思蔡謨之勳
擊壤高歌遊康衢而食帝堯之福王道蕩蕩無岐共錫以洪

瑞金縣志

卷十五

賦

一百一

濤菴竹猗猗有斐允懷乎淇澳

明詩餘 郭志

贈孝子劉贊嶽

王 鉞 侯官人

江村幾回風雨惡多少華飄泊傷春無計翻蕭索蜂蝶愁無托
情不老心如削往事空牢落金簪暗把妖氛鑠天憐孝子嶽

右調阮郎歸

按阮郎歸三字舊志闕今補正

國朝詩餘 郭志

感興五首 有序

方維馨 壽州人

秋氣襲人涼風入牖山衙索處孤悶無聊悲客子之流離

瑞金縣志 卷十五 詩餘

一百〇二

憫子遺之凋瘵興之所感發為詩餘倘此邦之碩彥名流
讀之而傷其志庶幾得與道州之詠竝傳矣

其一 傷流落也勞勞未吏不能造福殘疆徒噉雪瓜真無辭于饕餮矣

家山回首滄桑換孤踪又到綿江畔墨綬一歲狂奴態便

非 腰肢渾欲折斗米終難得無力種名花低頭愧雪瓜

其二 痛焚燒也城外屋宇一望蕭然寇兵之禍至此

雲龍橋下滔滔水中間多少傷心淚父老咽聲聲連年苦寇

兵 寇兵烽火惡樹木通焚却燕子欲巢林啣泥何處尋

其三 感田兵也田兵激而生亂以致合邑皆殃安所得惟正之供秣獲屆期新租不人奈何奈何

郊原百里村田偶農夫社日皆酣酒豐歲獲盈車枌榆共一

家 祝雞聲忽變牛犢成刀劍萬虎嘯平疇新租那得收

其四

憫驛站也驛站之困極矣而後輩驕橫如此彈丸疲瘠其何以堪

城邊路接贛汀道郵符絡繹紅塵報疊疊上瑤臺呼童埽不

開 蝸毛羅案立叱咤連聲急凋敝汝何關長夫且折乾

其五

愁檄羽也楊兵肆逆庫藏如烟而上臺催餉甚迫又田兵嘯聚不便開徵令君豈有點金之術也

健兒夜入河湯縣東西庫藏成烟焰檄羽又頻追量沙情可

悲 黃金天不雨點石儂非呂勉強欲催科其如鴻雁何

右調菩薩蠻

按菩薩蠻五首郭志概以首二句分作半闋豈唐昭宗登

樓遙望李青蓮平林漠漠溫飛卿小山重疊俱未寓目耶

瑞金縣志

卷五

詩餘

一百三

見聞似覺謫陋今更正至詞句小注均從舊本 再查方

維馨任瑞金在

國朝順治三年丙戌王鈺任瑞金在嘉靖十七年戊戌相去一

百零九年郭志方維馨詞誤列王鈺之前道光元年蔣志

改正

沁園春

贈邑侯張恕堂先生

張瓊英

永豐人

嶺接閩雲帆上虔州篠驂早迎看金航渡轉沙澄暉淨銅峯

標聳木秀烟明古鎮班春山田勸穡政靖萑苻折訟平薰風

昨見冰壺人鏡藻靜花塋 今朝署澹天清正父老商量把

一觥又饒珍却謝蔬盤自具桑麻延問筇杖同擎上幕衣香

中庭玉立幾箇彭宣執卷評
幾幾句待崧高載美鐘鼎彪

前調 酬學博張鶴舫原韻

張西銘 光山人

五色華雲飛下瓊瑤倒屣相迎看
琳瑯疊疊法奇而正歌詞

朗朗韻險能明似此清華許多旖旎
珥筆應當頌太平緣何

事只春風槐市獨守晶瑩
微臣何敢言清却自凜周官撻

罰觥念風吹平野原思草偃若云冰鏡
豈易高擎濡鷓含羞

隙駒抱歉難得先生月旦評
慙余拙知躍如之教已引弓弮

賣花聲 南塔寺

蔣方增 陽湖人

萬綠靜參天古柏含煙春來長是雨
涓涓驅馬獨來林際寺

塔影雙懸 鴛鴦臥荒田石磴斜穿
怕雲一葉已飄然只有

瑞金縣志

卷十五 詩餘

一百〇四

門前芳草色依舊芊緜

金縷曲

同人深隴探梅晚過東山寺小飲

蔣方增

莫負尋春約好年華和風似翦香
浮簾幕一片晴雲回蕩處

人過前溪畧徇彷彿是遠公蘭若
映水梅花千百樹悵浮生

到此堪棲託蓴鱸夢遽然覺
斜陽一騎穿林薄且高歌深

杯在手醉鄉同樂香雪溟濛真似海
賸有清魂飄泊更何必

攜琴跨鶴曲磻低岑清淺水數天涯
儘有閒邱壑居可卜吾

其諾

滿庭芳 遊松竇庵

蔣方增

古剎峯圍深林徑轉到來別是清幽
松濤聲起隱約石香樓

不道采公去久風前樹只似悲秋閒凝竚空壇花落鳴咽暗
泉流 攜朋春已暮鸚聲絨怨鴿影含愁任荒臺斷磴零落
誰收指點斜陽紅處疎籬外隨意句畱添惆悵髻鬟高擁回
首亂雲浮

摸魚兒

九日登南樓

蔣方增

倚危欄川原似繡螺髻煙鬟無數章貢南來千百折多少別
離情緒秋又去何處是碧尊紫蟹江村路閒愁幾許更輕雨
輕風乍寒乍暝織得人心苦 遊已倦歎息朱顏非故登高
猶自能賦柴門松菊今何在腸斷天涯羈旅君莫訴君試看
雪泥鴻爪原無據孤懷誰語且細擘橙香淺斟奠酒半日偷
閒住

瑞金縣志

卷十五

詩餘

一百〇五

菩薩蠻

石螺嶺

蔣方增

嶙峋十丈籠煙濕盤旋一徑穿雲入密樹兩三灣來從對面
山 鐘聲雲外寺隱約樵蘇至嵐翠薄寒空山深第幾重

又

山行

蔣方增

濺濺樹杪泉聲溜薄羅衫子輕寒透馬首忽西東生涯任轉
蓬 亂峯環屈曲茅屋人如玉何處是儂家一叢紅芡花

探春慢

遊環可園

蔣方增

檻外沙明鷗邊意遠晚風吹皺池水鷓鴣聲初綠楊絲後舊
約總難拋棄問冶春蹤跡路濛濛恨和萍碎晝長寂寞闌干

剩有吳牋寫淚 良辰也會高會經幾度斜陽幾番吟醉空
苑游絲閒階斷礎怎禁者般情味料甚日重來看竹影一天
寒翠鐘聲何處怕是催愁還起

暗香疎影

同人深隴探梅晚
過東山寺小飲

秦

格

金匱人

春光漏泄瞥隴頭先見一林晴雪鐵榦橫斜恰皎皎半規新
月一夜相思夢醒邀伴侶偏翻袞屨惆悵處驛使難逢一枝
空自折 冰肌不同凡豔况高人備有泉香酒冽花氣襲人
狂言驚座自把唾壺擊缺如此光陰容易過怕玉笛須臾吹
徹正棖觸忽聽高歌一棒當頭清偈

新增

瑞金縣志

卷十五 詩餘

一百六

虞美人

為友人題漁樵耕牧圖

鄒

靖邑人

兒孫繫艇溪山外折柳穿魚賣得錢買酒杏花村試問那家
酒店味偏醅 旁人錯把嚴光認我本無名姓蓑衣和醉枕
船頭最是老來不敢着羊裘

丁丁伐木深山處不覺雲生屨逢人莫更說圍棋只恐仙寰
境隔誤歸遲 一肩黃葉還家暮路轉溪邊樹候門稚子笑
聲濃爭奪檐頭山果數枝紅

一犁春水初晴候到處新秋秀誰人薄暮叩柴關知是東隣
耕罷送牛還 官租早納三冬足送子遊鄉塾田家辛苦及
山妻又向讀書燈下補寒衣

清溪略約行偏穩路向柴門近平湖芳草影迢迢却喜春風
吹綠上鞭梢何心叩角歌聲送不作維魚夢夕陽點點下
山來正是無腔短笛倒騎吹

虞美人

鄒靖

去年聽雨吳江夜泊舟楓橋下姑蘇城外五更鐘打得鄉心
欲碎雨聲中今年聽雨深山裏驀地思量起蕭蕭槭槭近
中秋依舊當年滋味在心頭

十六字令

鄒靖

涼一枕南薰到北牕誰驚覺松子落琴牀

浣溪紗

鄒靖

瑞金縣志

卷十五詩餘

一百〇七

昨夜西風未肯休雁聲吹落在簾鈎離人最怕鬢邊秋黃
葉半林疑化雨青山四面不關愁勸君莫上最高樓
孤館沉吟欲斷魂最難消遣是黃昏斜風細雨不關門曾
記維舟桃葉渡幾回買醉杏花村那知舊事憶芳樽
蟋蟀聲中獨倚闌曉風庭院怯春寒海棠開盡與誰看雁
足不來天杳杳藁砧空唱月彎彎愁眉兩點學秋山
樓外東風細柳枝曉寒槎去綠絲絲謝娘剛好畫眉時璧
月每從愁裏度舞腰時向夢中彎一雙蝴蝶戀屏山

